

四庫全書

史部



欽定四庫全書

史部

福建通志卷五十九

詳校官監察御史<sub>臣</sub>陳化龍

檢討<sub>臣</sub>德生覆勘

總校官檢討<sub>臣</sub>何思鈞

校對官中書<sub>臣</sub>汪 墉

謄錄監生<sub>臣</sub>曹錫齡



欽定四庫全書

福建通志卷五十九

列女 六

汀州府

宋

晏氏

寧化人嫁為曾氏婦夫死撫幼子紹定庚寅寇破寧邑晏依山為砦賊遣人索婦女金帛甚急晏召

田丁謂曰汝曹衣食我家念主母當用命不勝即殺我無被賊辱因解首飾悉散與之田丁感奮晏自櫓鼓使婢鳴金賊敗退鄉人挈家趨砦甚衆晏助其不給又析砦為五互相應援賊不能攻全活老幼數萬



人招捕使陳鞞遺以金帛晏悉散給其下鞞具請於  
朝封晏為恭人賜冠帔補其子為承信郎名其砦曰  
萬安砦

明

蕭氏

連城戴景禎妻以貧聞邑中為邑人建橋除道正  
德四年大帽山賊反縣令蔣璣築土城守禦既成  
欲建危橋數座蕭  
獨力創西門焉  
以上名媛

宋

王氏

長汀人吳宅祖妻適吳未期夫歿王年十九  
遺腹生男兩目俱盲養姑撫子竟全其節

明



馬氏

五十七娘長汀人洪武初承元兵亂後民多離散氏撫養幼弟馬千七郎終身不偶年八十二卒後

弟千七郎禦寇有功封武略將軍

陳氏

清流人伍福霜妻夫外遊不返氏捐簪珥遣子壽高訪迎家並落尊人勒令改適不從閱二十年竟

圓樂昌鏡馬孫伍儀領鄉薦

李氏

永定人賴伯英妻年一百四歲伯英被寇害時長子玉以貢入南雍氏馳書命緩奔喪急奏勦賊玉

如其言讐得報治家嚴而有禮日課子孫勤學子孫皆登仕籍氏卒漳南道旌曰百歲慈幃天下少七旬孝子世間稀

章氏

長汀庠生蔡有綱妻夫辛苦守養姑忍艱鞠子以節終



熊氏

名真姑長汀人張璘妻年十六歸璘十八而寡家貧無子孝事舅姑舅姑歿喪葬盡禮

曾氏

長汀人賴紹祖妻方笄適賴未二年夫歿父母令改適氏剪髮為誓立姪頑為嗣撫教成立

賴氏

寧化人衡州教授海孫女配邑人李勣年二十寡孝事舅姑姑以其未有子令改適賴曰敢玷吾祖

乎

林氏

名台姑上杭人梁時亨妻年二十五夫卒子又殤撫姪為嗣及長娶婦郭氏生四孫其嗣又卒林與

郭一志撫育幼孫

周氏

上杭人湯憲德妻適湯十七日憲德卒氏守節終身無玷

孟氏

長汀人年十九夫疾草憫其無子令再醮氏指天為誓夫卒以苦節終



郭氏

上杭人雷廣生妻年十八于歸閱月夫卒外伯氏將令別適氏擗踊大慟曰將復誰門筑居六十二

年而卒

張氏

上杭人曾崇哲妻年二十四夫卒遺孤存政三歲存用一歲祖姑郭氏年九十餘姑翁氏年七十俱

以蚤歲寡張事育無盡年七十六卒

康氏

長汀人名祥姑康惟德女性至孝侍養父母刻不忍離立誓終身不偶卒年八十七舉人黃益純為

作孝女傳

馮氏

名貴娘歸化人孫受福妻夫死遺孕生男家人計害之馮負薪吸水不離懷抱人稱為全節

賴氏鄭氏

永定人張門姑媳也賴夫張召二十一歲卒子世弘週歲族屬逼嫁賴割髮自誓世弘復



蚤卒媳鄭氏與姑茶苦相依後子僖成進士

吳氏

永定人陳昊妻昊蚤卒吳與妾張氏同心守節事姑以孝聞

陳氏

歸化人張玳妻年二十四玳卒撫其前妻子緡踰所生緡長為邑諸生善事陳而復早卒媳陳氏與

姑守志共撫遺孤

曾氏

長汀人諸生沈志妻夫歿無子以猶子為嗣未幾嗣子孫相繼亡氏與婦黃氏孫婦林氏撫孤曾孫

士衡士鑑以孝廉顯人稱一門三節云

丁氏

長汀人鄭尚敬妻年十七適鄭半載夫歿遺腹生男應登孀居五十餘載

黃氏

名珣娘連城黃應禮女年十四應禮病篤百藥不痊珣娘割股以追遂愈



伊氏

寧化人雷廷桓妻年十九夫亡剪髮自誓撫孤炳龍成立孝養老姑守節四十八年御史張三謨題

旌

陳氏

清流人舉人葉福妻年十六于歸葉會試卒於途陳誓不再醮取篋中衣服之美者悉分諸妹以年

少恐母奪志絕跡不往來

鄧氏

名惠姑清流人賴世傳妻成化間世傳登進士卒於京寓姑老子幼鄧扶櫬歸葬有諷之嫁者厲色

叱之勤紡織養姑教子後子希凱登賢書詔旌其門

李氏

名妙金連城人林祿妻年二十八夫亡苦節自守年八十九卒

舒氏

武平危立翔妻年十八于歸未暮而夫歿即投水以殉鄰嫗掖之歸幾殆忽見其祖語之曰爾爭當



主男可無死遂甦果生子昂  
立志撫孤後昂以明經拔俊

劉氏

上杭人朱永寬妻年二十四夫亡撫遺腹兒瓚成立兒拾遺釵令返諸其人歲饑貧病以活餓者

李氏

名足姑長汀人彭泰妻嫁五年而泰亡遺腹子閱七月生舅姑難其守涕泣絕粒數日舅姑知不可

奪聽之子俊成立氏以壽終

陳氏

名細姑長汀人庠生胡富妻富卒細姑年父無子以死自誓立夫姪公蔭為嗣五歲而殤細姑始終

不渝

賴氏

名官姑長汀人修業妻年二十二而寡誓不再適舅姑分田十畝膳之田復漂沒氏日夜紡織自給

終無怨言



樂氏

歸化人揭春震妻年二十二方孕春震病劇氏割股以進病忽痊後復病卒氏矢志苦守始終無玷

廖氏

長汀人名三娘王珪妻珪死孤楫三歲舅姑欲令改適泣曰無子猶當以節死况有孤在卒撫孤授

室生孫三  
人以壽終

王氏

長汀李有仁妻年十八夫亡無嗣矢志不嫁壽至八十始終一節當事為請建坊以旌

李氏

長汀陳三畏妻知縣李一鎰女夫歿守節始終不渝

伊氏

長汀劉羽妻諸生劉藩母藩週歲夫怙賴母成立食餼於庠

李氏

長汀庠生劉芳繼室僉事劉輔國母國早失怙李撫誨成立有聲仕籍

賴氏

長汀庠生黃鉞妻鉞歿賴守志甘貧孝事羣姑孤道源亦能承母訓有聲藝林有節孝錄中丞蕭爽



輔為之傳

賴氏

長汀孝子邱文岐妻年二十六夫亡子應春亦殤家徒四壁甘心苦守當事給租賑恤

賴氏

長汀周機妻于歸二載而夫亡氏欲以身殉念祭祀乏主姑嫜無依擇繼承祀以節兼孝成直指表

旌其門

梁氏

長汀毛家婦生子四齡而夫歿父母欲嫁之不可家貧甚忍饑推食哺兒屋漏十年不葺父詰之故

氏曰兒卧榻也孫幼男子何可令其升屋其守節循禮如此

賴氏

長汀曾廷璉妻年二十而寡苦守四十餘年

黃氏

長汀庠生馬乾妻乾守禦牛頭路嶺戰歿氏孀居守節郡守楊世芳給雙井官田養之年七十六卒



張氏

長汀李洪妻年十八而洪卒撫孤士琛飲荼茹苦有人不能堪者後琛成立為邑諸生以苦節聞於

郡旌之

鍾氏

長汀李潞妻年二十五潞歿子士相方六歲堅心守節年七十卒事聞旌表

胡氏

長汀廩生康其達妻達歿氏年二十苦志守節子廷頤入邑庠事母以孝聞

陳氏

長汀夏盤妻諸生夏大任母孀居守節教子有聲壽至八十四

簡氏

永定人賴守正妻年十八方有娠而守正卒生男灝守節訓孤毀容去飾雖子姪罕見其面辛年八

十三

鄭氏

永定張化妻年十八化歿誓志孀居事姑盡孝子一鴻甫週撫養成立



盧氏

永定賴舟士妻年二十二而孀孤麟振髻年入泮未幾夫盧同媳鄭氏撫遺孫勤紡織以度日卒年

八十餘

鄭氏

永定闕麗妻青年守節紡織事姑撫子應禎以明經授廣東揭陽學訓導

闕氏

永定吳爐妻歸三月而爐卒遺腹生男家甚貧氏勤紡織以事舅姑孀居七十八歲

朱氏

永定廖繼先妻歸數月而繼先卒撫遺腹子遺慶成立卒年七十五

盧氏

永定王惟仁妻盧一松女松為光澤教諭氏隨父任及芹松召仁進贅三月而仁卒氏奉主回夫家

拜見舅姑  
立後守節

吳氏

永定王予召妻年十八孀居苦守紡織養姑至親子姪鮮識其面



丘氏

永定廖可化妻病革囑氏堅守氏諾之遺腹生男光祖教育入庠年八十九卒

盧氏

永定吳茂椿妻年十八椿歿斷指誓志族人為之立嗣足不踰閭

吳氏

永定張振綱妻綱歿無子立夫姪為嗣勵志苦節

吳氏

永定闕錫爵妻年少而寡勵志堅貞以節終

王氏

永定賴樂野妻野卒家貧氏撫二子及夫幼弟日夕紡織供養子長又殤復撫其孫族人稱之

鄭氏

永定熊應師妻廩生熊士燾母苦志守節課子讀書以著壽終

熊氏

永定賴錫福妻福早卒氏年二十三無子孀居視嫂如母視侄如子足不越閭言不苟出壽八十終

吳氏

永定邱與顏妻十八孀居撫育嗣子孝以承先勤以善後享年七十七



丘氏

永定王珍妻守節事姑教子騰龍薦舉孫日中恩貢壽八十七終

溫氏

永定簡叔贊妻子週歲夫從征卒氏年二十誓志苦節勤儉教子年六十卒

張氏

永定吳尚本妻青年守節終身不移

王氏

永定吳尚璘妻苦志堅守人無間言

賴氏

永定盧貢妻年二十三孀居子幼零丁孤苦勤儉撫育教同嚴父後子自任食餼於庠孫及曾孫七

人並列贊序  
終年七十三

鍾氏

武平王宗安妻年十九夫亡守三歲兒英英亦娶於鍾五載而英亡二孀同守冰蘖一致

周氏

武平舒祥妻年十七夫亡撫孤矢志靡他始終不二



廖氏

武平廩生王源妻年二十而寡母欲奪其志斷髮自誓撫孤成立

廖氏

武平庠生修仁智妻十九而寡遺孤在抱有奪其居者或謂宜直之官氏曰撫孤以承宗祧吾願畢

矣遑計其他有司廉得其情還其宅里人稱焉

鄧氏

武平李禎妻貢生李文母年十八夫亡子二歲杜門鞠子或諷以再醮號哭自矢年七十五卒

林氏

武平李鵠妻年十九夫歿遺腹生男撫字成立子卒復撫其孫姑病吮疽及歿喪葬盡禮家貧立節

艱苦萬狀

王氏

武平劉顯朝妻年十九夫亡父母勸其再醮嚙指天志孝事公姑恩撫藐孤以節終

李氏

武平林澤妻夫亡年十九欲以身殉念孤老無依遺孤尚幼乃勤紡織事姑鞠子慈孝俱全



李氏

武平鍾道真妻二十一而寡有欲奪其志者氏曰夫猶天也天豈有二乎奉姑課子年踰七旬

劉氏

武平鍾仁恕妻年二十夫亡遺孤襁褓或諷其再醮泣曰夫無兄弟翁姑八十餘菽水之托安忍負

之斷髮天志始終不渝

劉氏

武平鍾嶽南妻年十九夫亡遺孤未週撫字成立孀居七旬人無間言詔旌其門

李氏

武平賴璋妻年二十夫亡親屬憐其少諷之嫁氏指孤曰天不殄夫嗣吾與共存亡耳

鍾氏

武平賴廷才妻年十八于歸五月夫亡斷髮苦守誓無二志遺腹生男撫之成立

鍾氏

武平劉嘉爵妻年十九夫亡遺孤襁褓天以身殉姑勸之遂毀容自守足不踰閭年七十餘奉例旌

表



程氏

武平李春育妻夫蚤亡無子天志守節紡織以奉公姑喪葬盡禮目不窺外戶者終其身

舒氏

武平庠生程四達妻父蚤喪母痲疾日侍不離及歸程值姑病往來候藥日夜靡寧母歿姑瘞而婦

病不起鄉閭共稱其孝

林氏

武平陳其謨妻謨卒撫一子娶媳李氏復天李遺腹生子陽壽林與李撫字成立後補博士弟子員

人稱雙節

王氏

武平庠生鍾嚴德妻年二十六夫亡視殮畢欲自縊姑曰汝即死矣如四孤何乃天志貞守三子皆

有聲於庠

林氏

武平李汝榛妻早寡忍死撫孤子日燦成名苦守數十年



伍氏

寧化人許嫁雷廷種未歸而種染疾遂請休婚伍氏堅執不從歸種家扶持夫疾更十四年而種卒

有諷之再醮者伍太息曰昔雷氏休婚吾年二八耳此時不歸雷誰強我者食苦至今何為出此言乎於

是人益

欽服

張氏

寧化劉辛一妻年十九辛一歿存一女父母令改適張以死自誓語及輒痛絕事姑孝謹年八十餘

卒

羅氏

寧化人主簿羅全女年十六適陰茂倫倫夫無子羅自誓曰烈女不更二夫古有是訓今命不展誓

與亡人同歸耳  
遂孀居苦守

謝氏

寧化羅仲倫妻年十八而倫歿遺腹生子欽吉天志撫孤吉又夭乃擇姪為嗣存亡一心跡不及庭



張氏

寧化夏應芳妻年十八而芳歿無嗣家徒四壁氏斷髮矢志紡織自供始終全節

吳氏

寧化羅政妻年二十而政歿氏矢志苦節不以無嗣易念清苦自礪歷五十年

丁氏

名定姑上杭太學生黃均妻均卒丁年三十慟絕而復甦有以改適諷者丁厲聲斥之日勤紡織奉

姑撫子均有好適丘福泰亦早寡守節不渝常曰吾嫂教我也崑山葉文莊為作傳

羅氏

上杭官子曠妻年二十七而寡舅姑先喪二子繼殤僅一女四歲家赤貧夫兄勸羅改適羅憤懣仆

地良久乃甦勤紡織自供年七十就養女家又九年而卒

黃氏

上杭馬宏妻年十八宏卒遺腹生子景莘撫字成立事姑至孝喪葬盡禮

莫氏

上杭詹洪妻洪死莫年二十二子未週姑王氏亦寡莫氏抱幼孩事老姑得其懼心巡撫具奏建坊



旌表孫彌高登庚午賢書人以為節孝之報

丁氏

連城人名三娘吳繼養妻養卒丁年二十三男士奎二歲氏哀痛屢絕忍死撫孤士奎旌卒孤苦五

十餘年

盧氏

連城謝文中妻年十八夫死撫遺腹子成立事姑以孝聞

吳氏

連城江應魁妻魁歿氏年十九姑老家貧矢志靡他遺姪生子耀先氏茹荼鞠撫紡織以奉姑

江氏

名辛娘連城黃霆妻年二十三夫卒家貧氏辛勤紡織事姑撫嗣卒年九十三

章氏

連城庠生黃文臯妻歸五載而夫歿家貧無子立志苦節

謝氏

連城庠生黃廷瑛妻年二十二夫死守節及姑歿鄉隣止其喪儀氏曰喪具稱家有無喪儀不舉是



何禮也設靈几具蔬果躋踊盡哀君子以為知禮

童氏

連城庠生江英妻年十七歸江甫九月夫死立夫姪湖秀為嗣娶於林未幾死遺一女氏為撫育其

婦林亦克成厥志姑媳雙節年各七十餘

黃氏

連城庠生余文炳妻適余二載而夫卒遺孤又殤氏甘貧守節人無間言

李氏

名德娘連城童綸妻年二十一夫死無子自誓守志衰年立嗣壽八十餘終

姚氏

連城廩生賴璟妻璟死氏年二十家貧無嗣矢志苦守以壽終

黃氏

名妙貴連城林忠妻年二十一而寡姑且老幼子應春伶仃孤苦氏勤紡織以供朝夕孀居五十餘

年



丘氏

連城林廉妻年二十餘廉歿家貧子幼竟完其節壽九十九終

謝氏

名貴清連城童植妻年二十一夫歿無嗣氏誓不再適甘貧苦守足不踰閭

羅氏

名富貞連城人年十八適李靜甫四月而夫亡立兄子扶陽為嗣撫若已出家徒四壁竭力事姑以

孝聞

沈氏

名癸金連城人李樞妻樞卒氏孝事老姑訓誨二子姑年將百歲氏亦至七十餘

吳氏

連城謝文魁妻年二十三而寡無子舅姑為之立嗣氏敬事舅姑撫嗣子若已出後子世選遊庠

童氏

名錦嫦連城沈期亨妻亨卒氏年十九一子匍匐次在娠氏泣血貞守未嘗見齒撫訓二子銓珍俱

成立



黃氏

名閨秀連城庠生謝舉妻生子汝揖三歲女甫週舉卒氏年二十自誓曰立節存孤兩大事也事兩

繼姑以

孝聞

羅氏

連城童叟剛妻夫客死氏聞訃悲號櫬未歸嚙一指曰寧子母餓死決不忍旅魂無依罄鬻奩貲扶

柩歸葬終身茹

素百折不移

沈氏

名新鳳連城童名標妻夫亡無子斷髮絕粒祖姑百端勸諭乃奉祖姑同室寢處祖姑病籲天求代

迨歿哀毀骨立家貧奉繼姑盡

孝遭亂百折不回閭里欽服

謝氏

歸化夏周生妻一子在襁而周生逝氏年二十六孀居四十五載縣令李邦光贊曰厥質孔柔厥節

孔剛如金在火如栢在霜身壽次之名壽為上不泯不磨長在天壤



欽定四庫全書

卷五十九

李氏

歸化謝黼妻年十八適謝未三年而黼死矢志守節撫遺腹子成立年五十子又喪復撫孤孫紡織

養姑典衣營葬  
卒年九十餘

揭氏

歸化葉茂連妻生子世淳甫二歲而茂連歿揭年二十二撫孤世淳長復天媳梁氏年十七與揭同

守婦姑  
一節

吳氏

歸化黃自明妻年二十九夫歿遺孤王亮九歲吳日登棲焚香跪拜禱孤成立後亮長克家孀居四

十餘  
年卒

賴氏

歸化諸生葉堅妻年二十一而寡遺孤甫週氏矢志撫育孤子松筠之操人無間言

陳氏

歸化梁有棟妻年二十六而寡天志苦守訓子力學後子師尹入太學授邑丞



聶氏

歸化湯夢恩妻年二十二夫死姑老子幼艱辛苦守事育無盡

梁氏

歸化黃仕淵妻年二十九而淵卒子京選七歲天志守節撫訓有成後遊庠

曾氏

歸化庠生賴廩妻夫死子良任良祚俱幼曾督教甚嚴及卒詔旌其門

謝氏

歸化廩生黃瀛妻瀛死謝年二十八紡織度日撫遺孤虛生成立入庠

朱氏

歸化王瑤妻年二十七夫歿遺孤三氏清節自誓撫教有成

張氏

歸化羅萬鵠妻羅歿遺腹四月生子瑒夫志不渝貞靜自守孀居二十餘年

湯氏

清流國子生胡文顯妻文顯以事謫戍止二女無他親屬氏勤紡織以養舅姑年七十餘卒

鍾恭人

清流人奉訓大夫鄧向榮繼室年二十七而寡守節數十年前室子于京于蘇于林聯翩仕宦



已子于安孫應先後  
魁鄉薦壽七十三

伍氏 清流廩生雷世魁妻魁卒無子孝  
事老姑撫妾一歲子以底於成

黃氏 清流伍村妻夫亡無  
子築鴛鴦塚以自待

李氏 清流鄒銓妻銓亡氏年二十七生二子幼族人勸  
其改適氏堅守撫孤以承夫志當事月給米一石

優卹之年  
八十餘卒

曾氏 清流王冢家妻歸十年生二子而冢家歿  
氏堅心苦節教子成立巡按陸夢龍旌獎

裴氏 清流庠生陳汝皋妻皋歿氏年二十一子未週氏  
為存祀計忍死苦守勤紡織以事舅姑後子士炳

入庠巡按喬  
承詔旌之



王氏

清流伍朝欽妻歸年餘夫歿誓死守節撫育孤兒孝事公姑年八十有七子翦官縣尉

葉氏

清流吳士智妻事繼姑盡孝舉一子錫智歿氏年二十二截髮刺額誓死守孤子錫復隲於庠

陰氏

寧化人姑姪一門一為伍常訓妻一為伍應毅妻青年苦守風節相紹

陸氏

伍得高妻蚤寡守志不渝撫孤兒底於成立

黃氏

寧化人正永譽妻夫死辛苦撫孤克全其節

伍氏

寧化人諸生雷澣龍妻貢生雷禎母茹苦訓孤有聲藝苑

黃氏

寧化人張良謨妻孀守撫孤始終不二

楊氏

寧化人雷吟龍妻守節撫孤卒年八十四



謝氏

寧化庠生伍經世妻庠生伍美萃母守節盡孝人無間言

伍氏

寧化人羅應濂妻夫死天志靡他克全其節

黃氏

寧化庠生伍雲衢妻蚤寡苦節不渝路直指表旌之

黃氏

寧化吳仁安妻夫死家貧不改其操湯直指表旌之

葉氏

長汀人羅員妻貧卒氏天志孀守始終無玷

林氏

長汀人陳鑑妻夫死家貧紡織撫孤人欽其節

黃氏

寧化人諸生黎明啓妻孀守孤幃人欽完節

賴氏

長汀人康鏞妻夫死撫孤子其英著聲饗序



陳氏

長汀人黃金榜妻庠生黃慶雲母永霜立節訓子有聲

黃氏

清流伍宗銘妻銘卒黃欲殉姑解之曰吾兩人老且無子汝不為二孤計忍使吾垂老無依乎乃勉

起治喪堅貞守節後長子元有聲  
賢序孫曾林立人謂節孝之報

裴氏

清流庠生李亭妻亭以擊寇死裴號慟欲殉家人勸止事姑盡孝課子元莘有聲藝苑

溫氏

清流雷憲章妻年十六適雷九載而寡孝養公姑紡織課子以節終

陽氏

清流雷衡亨妻歸一年而夫卒子麒生未滿月氏哀慟欲死姑慰之曰撫孤孫為存祀計不死勝死

也強起治喪力貧  
守節後麒遊庠

伍氏

清流劉欽向妻向蚤卒守志鞠孤備極艱苦後子夢摘為明經有文名



伍氏

清流廩生余光疇妻疇卒氏紡織度生篝燈課子長日升歲薦日章日光並有聲黌序

曾氏

清流楊勤繼妻夫卒撫前室曾氏所出二孤不異所主孀居五十餘年孫喬曾孫有齡元孫岳皆舉

於鄉

曾氏

清流陳德貴妻年二十一夫歿遺孤殤夫弟德宣幼陳氏宗祧不絕於縷氏甘貧苦守撫教成立後

德宣夫婦兒媳相繼歿遺孫連茂生甫百日氏撫其三世歷五十年後子姓昌大為邑巨宗

伊氏

長汀李一錠妻年十九錠死遺腹生子涑氏紡織養姑晝夜教子壽八十三萬厝中旌表

李氏

長汀鄒富瑤妻年二十而鄒歿氏不肯再適矢志養姑壽九十六

郭氏

上杭羅遜妻年二十五遜歿一子四歲孀姑垂老氏盡心孝養以終崇禎四年旌表



馬氏

長汀陳于陞妻夫死教子力學崇禎十六年御史陸清源旌曰三雞並翼宮牆不負和凡之意二子

均沾廩餼庶  
酬盡荻之勞

張氏

長汀康璜妻年二十而寡忍死鞠孤事舅姑以孝著

吳氏

長汀胡克忠妻事繼姑孝克忠歿遺孤三月繼姑欲奪其志氏之死靡他孤賴以全

余氏

清流伍一翰妻翰有才名登崇禎丙子副榜卒時余年少勵志苦守督子力學終身完節

以上節孝

宋

葉氏

寧化人賴元仲妻建炎初盜起元仲客遊嶺表葉以舅姑年耄不能逃委命以待俄而盜至被執葉



罵賊以身觸刃盜怒斷其喉舌子女皆遇害

明

姚氏

連城諸生童佐乾妻佐乾教授外境死氏痛哭幾絕強起出郊營葬既葬迎主畢夜投井死

張氏

武平陳萬受妻年二十而寡正統十四年寇作避難牛輒嶺被擄賊欲污之不從而死

伊普姑

寧化人謝子良妻正統間沙尤寇亂被掠於黃竹林中欲污之不從而死

陳氏黃氏

上杭人邑民邵縉紳縉妻正統間姪相率避寇陳年二十黃年十九被掠於梅溪寨

賊欲私之二氏紹以乘船至河各抱其嬰兒赴水死

許氏

武平人徐憲妻憲疾革令再醮許泣誓無二憲難之許曰當先予而逝遂自經有司撰文臨奠題其



墓

張氏

武平庠生程大韶妻年十七夫亡絕粒三日殮畢自縊死

舒氏

武平人徐日燧妻年十八夫歿視殯畢密備殮具飲藥死兩柩合葬當道建祠城外祀之

郭氏

上杭人丁大德妻年十七歸丁丁歿居喪二十四日自縊死

周氏

武平劉應梅妻夫死即自縊

李氏

武平太學生鍾敬德妻年二十夫死守節流寇亂懼為賊所辱以磁片刺喉而死

陰氏

清源人鄉官羅一鶴繼室年少夫卒絕粒半月而死

楊氏

歸化羅仁妻夫卒有奪其志者持喪百日遂自縊



趙氏

連城人黃椿芳妻年二十二夫歿晝夜慟哭不食六日死

謝氏

名陵娘寧化諸生丘對之婦年十八歸丘丙戌為賊所掠欲污之罵不絕口賊拔刀刺之中左脇未

絕氏解帶自縊死

馬儒姑

寧化人州判馬先德女年十五正德間寇破寧化儒姑躍池死

俞赦娘

長汀人戴和妻嘉靖間寇變和陣亡俞被掠不受污而死

賴癸娘

長汀人吳紅保妻年十九嘉靖間被寇掠至潞潭赴河死

楊氏

寧化人鄧子舉妻嘉靖間偕夫妹鄧良姑避賊溪南賊至相抱投水死

丘細姑

上杭人鍾世瑄妻嘉靖間寇掠綠竹岡氏不受污罵賊而死遺三歲女於身旁家犬守之三



夫逃歸收之面如生藁葬岡側兵備金澍表其廬

譔進姑

歸化人年二十二夫亡守節嘉靖間寇至被掠投水死

盧卯姑

永定人盧日型女受聘於謝龍宮卯姑年十四而日型卒執父喪茹素一年次年龍宮卒卯姑

聞計即欲自盡家人勸之卯姑啞指血書誓從地下伺防者稍疎即拜辭父靈潛縊死

陳氏

永定吳來獻妻丙戌城陷被執欲污之投水而死

鄭氏

永定賴成德妻夫死鄭年二十三丙戌城破聞兵入城即投水死

蘇氏

永定詹甘霖妻霖為山寇所害氏即自縊死

張氏

永定賴紹宗妻夫被賊害氏痛哭不食視夫殯殮畢自縊死



陳氏

永定賴心半妻孝子陳吉輔女年二十半病革謂氏曰善事後人氏泣曰君不諱即相隨地下截髮

以誓半卒氏理喪畢卜日歸葬告諸姑嫂曰氏願同穴乃整衣而死家人為之合葬

江氏

永定鄭士儒妻儒外出不歸家甚貧氏勤紡織以養姑姑歿殯葬畢嘆曰吾事已盡今亦無依遂入

房潛縊而死

鄭氏

永定沈一旭妻戊子土寇破寨氏率眾禦之遇害死

陳氏

永定王銓爵妻丙戌被寇掠自縊而死

丘門三烈

永定庠生邱與長妻吳氏及二女長吳文懋媳次庠生賴其昌妻二女歸寧在室聞寇亂

掠俱投池而死



吳門八烈

永定諸生吳懋中妻王氏崇禎間兵破城王氏登堂約諸媳曰婦人臨難惟有死耳

姑媳序位互相結束闔室雉經從死諸媳長曰熊氏進士吳煌甲妻次曰闕氏諸生吳章甲妻三曰廖氏諸生吳人甲妻四曰溫氏諸生吳晉甲妻孫女貞姑侍女蘭娥招娣俱殉合葬東園碑曰吳門八烈之墓

連氏

歸化黃廷柱妻廷柱任江西贛州教授氏隨夫任內明亡廷柱死氏亦隨縊夫旁以殉焉

以上貞烈

未經立傳者附後

李氏

胡軸妻

郝氏

羅仕殉妻

徐氏

諸生胡朝絢妻

戴氏

諸生陳鳴謙妻

曾氏



妻 胡 裴

李氏

鄧應璧妻

楊氏

諸生胡冕繼妻

李氏

胡汝櫓妻

俱長汀人

賴氏

李尚質妻

薛氏

雷震起母

張氏

陰昆生妻

謝氏

諸生李憲華妻

謝氏

盧應

順陰氏

張仲良繼妻

陰氏

羅一峰妻

黃氏

黎永深妻

雷氏

楊兆芳妻

王

氏

吳詰妻

伍氏

吳明輅妻

陳氏

陰顯昇妻

甯氏

施壽金妻

俱寧化人

陳氏

鄧臺妻

劉六娘

雷鐸妻

以上俱清流縣人

揭冕娘

溫玉泉妻

歸化縣人

沈玉容

黃慶妻

羅滿姑

李應開妻

李壽娘

諸生謝濂妻

揭福金

董憲

妻 吳氏

李士愈妻

錢氏

李士志妻

黃氏

李齊妻

丘氏

江熹妻

吳金秀



姚松

以上俱連城縣人

丁氏

王友杭妻

陳氏

賴說妻

以上俱武平縣人

國朝

張氏

長汀人贈陝西叅政黎有綸母孀居四十餘年以節稱

陳氏

長汀張必有妻二十一而寡孝事舅姑舅姑歿喪葬盡禮後遇變能潔其身苦節永貞以卒

彭氏

長汀賴瀾妻年二十夫亡奉姑教子孀居六十年旌表建坊

廖氏

長汀陳體仁妻年十八夫歿家貧養姑課子苦節終其身旌表建坊

賴氏

上杭詹鳴華妻年二十而寡遺孤週歲兩姑孀居氏供菽水無缺撫孤子有成順治十四年



旌表

吳辛姑

長汀吳振美女父母蚤喪家貧撫養二幼弟天志不字艱苦終身

羅氏

上杭黃堂妻年十九夫歿無子擇夫姪為嗣泣血三年苦守四十五載

林氏

長汀胡憲猷妻天節盡孝名載孝義坊

張氏

長汀謝偉妻年二十四夫死舅姑亦歿勁節五十八年

賴氏

長汀李順章妻年十八而寡遺腹生子永壽家貧辟纊鞠子底於有成

趙氏

長汀巫純甫妻蚤寡白首完貞名載貞節坊

段氏

長汀康旭生妻夫死子國器方週歲日紡績以供食後國器食餽於庠



項氏

長汀諸生黃體仁母二十而寡冰蘖六十年訓子有成

黃氏

長汀周文震妻孀居苦節五十七年壽八十四

胡氏

長汀邱廷謨妻年十九而寡清節不渝子壽昌貢於鄉

王氏

長汀鄭焜妻年二十夫死孝養公姑鞠撫孤子始終不渝

賴氏

長汀湯霖遠妻夫蚤死與夫弟雲遠妻陳氏妯娌相依形影不媿人稱一門雙節

范氏

長汀閔士麟妻年二十五而寡守節事姑志同金石

黃氏

長汀吳之麟妻年二十五夫死孀居苦守人無間言

范氏

長汀黃映昆妻夫卒姪方七月夫志堅貞撫訓孤兒卒年七十



張氏

長汀曾孔惠妻年十九夫歿孀居三十五載

張氏

長汀湯琳妻琳死張年二十三守節六十餘年

李氏

長汀俞尚爵妻年二十四夫卒姑老李勤紡織供養苦節六十年

陳氏

長汀黃永元妻年二十六夫歿事舅姑孝有欲奪其志者誓死拒之

吳氏

長汀袁正登妻夫死家貧鞠養孤兒取給機杼苦節終身

丘氏

長汀修琢妻年二十四而寡足不踰閭惟以紡織度生終身完節

史氏

長汀項之楷妻年二十三夫喪家無擔石守志彌堅忍辛訓子以底於成

李氏

長汀劉特超妻年十八歸劉期月夫死無子甘心苦守終無渝志



廖氏

長汀傅其香妻年十八歸傅夫歿無嗣為夫立後撫之有成冰心苦節五十餘年

劉氏

長汀留濱宇妻年十四歸留未幾宇死父母欲奪其志誓不再醮卒全其節

費氏

長汀馬景象妻年十八夫歿撫遺孤成立苦節六十年

黎氏

寧化廩生賴朝會妻會卒氏年二十九翁姑垂白子方在極氏拮据以供救水撫孤兒人謂婦道母

道均無愧焉孀居三十一

載康熙十八年旌表

巫氏

寧化劉仲聖妻年十六于歸十九而寡遺孤八月翁姑垂老氏忍死艱辛事育兼盡後子康世入庠

歷節六十載康熙

二十二年旌表

黃氏

寧化官試貞妻嫁一月而寡年僅十九歷十餘年翁姑為立試貞弟子懋澤為嗣至七十四歲卒康



熙二十二年  
旌表

賴氏

名秀姑上杭周有仕未婚妻年十七有仕卒號泣欲奔喪父母不許乃誓不再適屏居繡佛年七十

八卒康熙二十三年  
旌表

林氏

上杭藍蔚文妻年二十夫歿無子孝養翁姑歷節四十載康熙二十三年  
旌表

陰氏

寧化伍嗣毅妻年二十一而寡誓不再適事繼姑尤孝謹教孤子有成守節四十二載康熙四十二

年  
旌表

伊氏

寧化雷祖賜妻賜歿無嗣氏年二十一紡織養姑為夫立後歷節三十三載康熙四十二年  
旌表

彭氏

長汀王廷槐妻年十八夫亡遺腹生子家貧姑茆氏仰事俯育動必循禮守節至六十四歲卒康熙



四十六年

旌表

沈氏

清流庠生伍經國妻年二十九夫歿奉姑撫子苦節五十餘年

雷氏

清流余士昭妻夫歿年二十一守節育孤不二厥志垂五十二年

裴氏

清流庠生余榮妻年二十七夫亡矢志貞一辛年八十二

張氏

清流人閩縣訓導王協繼室夫亡張年二十六撫孤及孫並列於庠至六十一歲

王氏

清流舉人余石麒妻二十一而寡事舅姑撫幼子守節六十年

劉氏

清流童亨妻十五適童二十九而寡孝養舅姑育三孤成立卒年七十一歲

黃氏

清流庠生伍來曇妻夫亡年二十八奉姑撫子事育無盡卒年六十



余氏

清流庠生歐陽衍妻年二十九而寡有五子相繼殤復撫遺腹孤孫沒身荼苦卒年六十五

吳氏

清流黃順生妻蚤寡甘貧矢志三十餘年

葉氏

清流余允升妻年二十五而寡遺孤三舅姑衰老家無擔石葉辛勤拮据以為事育卒年六十

吳氏

清流馬孔球妻夫亡年二十二養姑鞠子茹苦四十餘年人服其節

鄒氏

清流巫鳳喈妻年二十四夫歿事舅姑育孤子以節孝聞卒年六十五

鄒氏

清流王天錫妻蚤寡守節終身

伍氏

清流王孫誠妻年二十二而寡養姑育子誓不易志

葉氏

清流伍勵妻年二十八而寡撫一子遊於庠廡居二十四年始終一節



江氏

歸化庠生夏梅妻主子五歲而梅歿家貧姑老氏年二十二勤十指以供朝夕姑歿喪葬盡禮苦節

六十餘年康熙四十六年旌表

楊氏

上杭林如緯妻年十九而寡遺一女事老姑以孝聞孀居三十四載康熙四十八年旌表

伊氏

寧化李如雲妻年二十三而寡撫孤子挺南長遊於庠復夫同媳撫孫歷節三十年康熙四十八年旌表

表

雷氏

寧化張永泰妻夫歿氏年二十二誓以死殉妯娌勸之曰子死遺孤誰乳二老何依乃忍死以事舅

姑撫孤子守節三十年康熙四十八年旌表

鍾氏

上杭張瑞麟妻年二十而寡子三歲誓不再適翁病氏禱天願以身代姑目疾氏以古詒之復明壽



七十四歲康熙  
五十年 旌表

俞氏

連城童才良妻良歿俞年十九痛不欲生因念遺孤忍死鞠育事舅姑孝謹鄉人稱之年六十三卒

康熙五十一年  
旌表

羅氏

連城李家驥妻年十八于歸三月夫亡欲以死殉姑慰乃止立姪為嗣卒年八十四康熙五十二年

旌表

胡氏

長汀曾奇超妻夫歿子幼氏以紡織自給歷三十餘年康熙五十二年 旌表

羅氏

連城李夢日妻年二十夫亡撫孤有成苦節四十餘載康熙五十三年 旌表

江氏

連城蔣存劬妻年二十而寡有一子忍死撫教至於成立貞操四十載康熙五十四年 旌表



陰氏

寧化伍奏勲妻年二十八夫卒養姑撫  
子歷三十三載康熙五十四年旌表

李氏

長汀劉宗琨妻年二十一夫歿絕粒七日氏泣  
勸乃忍死撫孤并撫夫幼弟苦節三十餘年康熙

五十五年

旌表

項氏

連城周廷梓妻二十一而寡事姑撫孤艱苦  
備嘗歷六十餘年康熙五十六年旌表

伍氏

連城李以實妻實卒氏年十八遺孕三月夫姪子  
初利其產謀欲嫁之氏刺血誓曰產可奪也欲奪

吾志則否遂棄產奔母家育孤成

立始歸收復餘產旌表建坊

賴氏

連城李爾文妻年二十夫亡遺孤三氏孝  
養其姑十年不懈訓子成立年七十而終

江氏

連城黃四德妻夫死江年二十四三孤幼舅姑  
老病戚屬令改適氏憤泣引及自明竟全其節



林氏

連城羅兆高妻二十三而寡夫志不二嫠居三十三載

黃氏

連城童大元妻事舅姑孝年二十四夫亡痛哭誓死舅姑泣勸乃育遺腹孤以底於成

林氏

連城羅仲超妻年二十四而寡子方三月忍死撫孤苦節四十九年

王氏

連城童協中妻童卒於汀氏聞訃痛哭幾絕舅姑慰勸之忍死鞠孤苦節二十餘載

張氏

上杭周兆元妻年二十夫歿無子矢志堅守孝事翁姑祖姑陳氏目盲護持不離左右卒年七十八

藍氏

上杭包集球妻年二十一球卒藍方娠產女悲哀引決翁姑諭止之乃立嗣子織布度生及翁姑繼

歿祖姑年八十餘藍侍寢食不少倦及卒拮据襄事節孝兩全

郭氏

上杭羅聰漢未婚妻年十七漢卒聞訃即自經家人救解三日水漿不入越月奔羅成服終喪後得



病不醫藥曰此吾十八年前之心也懸夫  
像於室哭奠曰吾今可以死矣瞑目而逝

雷氏

上杭劉世瓊妻年二十二而寡  
奉翁姑孝教子有方卒年八十

丘氏

上杭薛翰人妻年二十八夫亡孝事  
舅姑撫教二子成名卒年五十二

李氏

上杭林得玉妻年二十八夫  
歿天志靡他壽八十有五

郭氏

上杭梁清若妻清若卒氏年二十六事  
翁姑無缺育孤子有成年四十九卒

江氏

上杭藍絃妻年十八夫歿刻志守節  
孝養翁姑撫教孤兒荼苦五十九年

劉氏

上杭郭世昌妻昌歿氏年二十三守志  
撫育孤兒事舅姑以孝著年五十八卒

梁氏

上杭丘庫長妻年二十夫歿紡織奉  
姑姑歿喪葬盡禮孀居三十七年



林氏

上杭鄭人俊妻夫歿氏年二十八雙白在堂家無擔石艱辛勤儉以供事育孀居四十六年

劉氏

上杭雷薰史妻年二十夫死誓志撫孤侍養舅姑終身惟謹慈孝無盡人無間言歷節五十一載

藍氏

上杭詹光近妻近歿氏年十九奉孀姑孝謹撫嗣子有成苦節五十餘年

陳氏

上杭黃亦振妻年二十夫亡無傍近親可嗣孝養翁姑無缺勵志力貧孀居三十五載人稱孝節

劉氏

上杭庠主郭寬妻年二十四而寡無子擇賢為嗣舅姑疾籲天益算願減已壽苦守三十五年

謝氏

武平熊道行妻年踰二十夫亡誓死撫孤足不越閭訓子成立事舅姑以孝聞年六十餘卒

林氏張氏

武平人鍾敏德妻夫亡遺二孤俱三齡同心共守後子俱列膠庠鄉人稱之

林氏

武平鍾德瑩妻年十六歸鍾未期而寡立姪為嗣孝事公姑訓子成立長遊於庠守節四十年



羅氏

武平周溶妻二十二歲夫亡有子二家貧刻苦奉舅姑鞠孤子卒年八十五

劉氏

武平庠生李必達妻夫死慟絕復甦忍死貞守事姑孝課子嚴後子名列成均閭里稱之

鍾氏

武平謝錫元妻年十六夫歿悲哭幾絕立姪為嗣舅姑老克盡婦道堅貞四十餘載

賴氏

武平李士超妻年二十一夫亡無子撫猶子為嗣恩勤如已出節操凜然卒年七十

方氏

武平修國柱妻柱歿氏年二十一遺腹生子矢志鞠育竟完其節卒年五十二

鍾氏

武平庠生謝上舉妻年二十六夫卒孤六歲撫教有成長列於庠卒年七十三

鍾氏

武平李侗妻年二十二而寡撫六月孤兒事孀姑孝謹青年白首貞操不渝卒年六十

鍾氏

武平林星聚妻聚天氏年二十四孝養孀姑鞠撫孤子艱辛守節四十三年



鍾氏

武平李江永妻年二十七夫歿孝姑訓子子後入庠孀居三十五載

鍾氏

武平王哲三妻年十九夫亡未育斷臂裂肌視死如歸舅姑泣勸乃立孤守節至四十年卒

李氏

武平庠生鍾白珩妻珩歿氏年二十六勤儉治家訓子有成孀居三十餘載

林氏

武平鍾錫洲妻年二十二夫死斷指誓死舅姑諭以撫孤存祀歷節三十餘年

王氏

武平鍾智先妻年二十九而寡事孀姑撫孤子悉資紡績以供歷節三十五年

李氏

武平鍾槐廷妻年二十一而寡孤幃紡織以供菽水訓子成立艱苦三十餘年

林氏

武平鍾勳廷妻年二十夫亡遺腹生男鞠育有成孀居三十五年人稱完節

林氏

武平庠生鍾申祔妻年二十夫歿遺孤二歲甘心苦守歷四十年



高氏

武平李夢章妻二十七而寡堅貞矢志孝事舅姑撫訓孤兒二子咸列成均卒年八十三

劉氏

武平庠生鍾輔妻年十八夫亡之嗣立夫姪為後撫養成立至五十五載

鍾氏

武平庠生修一士妻士歿氏年十七遺孤襁褓天志孀守歷四十六載

王氏

武平李若弼妻年二十四夫亡室如懸壺撫育孤兒至七十歲始終不變

劉氏

武平池化鯉妻年二十夫卒幼孤在襁食貧撫字歷四十年

李氏

武平鍾鳴瑯妻年二十六而寡撫孤兒成立年八十二卒

李氏

武平庠生朱麗霞妻年二十六夫死勤儉持家教遺孤以義方後子得列成均苦節三十餘年

饒氏

武平貢生吳燕屏妻屏卒氏年二十八孝孀姑撫孤子歷二十四年始終不二



劉氏

武平石保初妻年二十七夫亡家故貧撫孤存祀卒年八十餘

曾氏

武平朱維亮妻亮歿氏年二十六撫遺腹子永霜自勵卒年八十三

丘氏

武平石周林妻年二十二而寡遺一孤誓不改適撫教成立有聲於庠苦節四十餘載

劉氏

武平石爵一妻年十八而寡撫嗣子以承宗祧天節三十九年

鍾氏

武平劉昌元妻年二十五而寡上孝公姑下撫二子咸列膠庠卒年七十三

黃氏

武平李賢友妻賢友死氏年二十八忍死奉姑鞠育孤子卒年九十四

藍氏

武平庠生吳煥妻煥歿氏年二十六剪髮毀容之死靡他孀居二十七年人欽其節

朱氏

武平吳恒心妻年二十三夫死誓不二志孝養翁姑撫教孤子歷節至三十四年



鍾氏

武平李毓晉妻夫亡氏年二十四無子為夫立後孝養姑嫜苦節四十餘年

王氏

長汀熊瑞麟妻年二十夫亡奉姑撫子始終如一歷節六十載雍正二年旌表入節孝祠

李氏

寧化黃維晃妻夫歿氏年十九引帶自縊以救免舅姑諭之曰汝方娠盍為似續計乃從命育孤成

立歷節四十載雍正三年旌表入節孝祠

熊氏

武平庠生李文祥妻年二十七而寡有二孤誓不再適艱貞守節至六十二歲卒

李氏

長汀范鎮齊妻未歸而夫卒氏年甫十六絕粒七日不死乃素服至夫家拜舅姑畢趣婢歸曰吾止

此矣守節四十年雍正三年旌表祀節孝祠

吳氏

永定張端上妻戊子夫為叛甲謝有元所害氏匍匐伸訴以雪夫冤一志孀居緝蠹教子里人推其



永節祀  
節孝祠

沈氏

連城童勁妻年二十一夫亡哀慟嘔血絕而復甦家亦貧晝勤薪汲夜事機杼思勤養孤及長復天

與媳周氏共守孀閨風雨不蔽糠粃充饑堅貞自天始終完節雍正五年旌表入節孝祠

李氏

連城沈應解妻年十七歸沈一載夫亡氏投繯欲死姑嫂勸止立夫兄子為嗣饗殮莫繼忍饑哺兒

及長娶婦復相繼淪沒孤苦無依堅守不  
二至五十載雍正五年旌表祀節孝祠

揭氏

連城羅五常妻年十八適常事舅姑克盡婦道夫歿於江右聞計引刃自裁姑力挽乃忍死育孤清

節五十一載卒年八十雍正五年旌表入節孝祠

周氏

連城童祖才妻夫死無子家赤貧立夫姪為嗣與姑沈氏同守苦節歷三十年如一日雍正五年



旌表入  
節孝祠

姚氏

連城吳賓宇妻年十八歸吳四載未育勸夫置妾胡氏夫亡妾遺孕三月生一男妾復死氏撫孤如

已出守節六十年雍正  
五年旌表入節孝祠

馬氏

連城揭啓禧妻年十四于歸二十五而寡撫育孤兒至五十載雍正五年旌表入節孝祠

李氏

歸化貢生陳祚妻事姑孝姑病目氏紙其翳目復明祚歿氏年二十三子六歲次遺腹氏忍死苦守

孝事耄姑撫孤  
子至於有成

王氏

寧化庠生李挺南妻年二十二夫卒守志不二事孀姑伊氏克盡孝道撫幼孤成立苦節三十載雍正

正九年旌  
表入節孝祠



楊氏

歸化人庠生吳浩妻年二十五夫歿遺孤二氏孝養老姑撫子成立年四十八卒

曾氏

歸化人李廷光妻年二十三夫卒氏去飾持素勵志撫孤舅姑歿喪盡禮年三十四卒

丘氏

歸化賴世渭妻年十九夫歿氏欲死殉念翁姑垂老遺孤在襁乃忍死事翁姑撫孤相領康熙丙子

武舉孀居

四十一載

林氏

連城沈楹妻年二十五而寡遺孤兆奎甫四歲父母以家貧令再適氏剪髮斷指自誓紡織以供舅

姑義方教子底於有成

夏氏

歸化曾子傳妻年二十八夫死遺孤三歲氏孀居足不踰閭子名列邑庠皆氏撫教之力

梁門雙節

余氏梁之材妻吳氏梁之柱妻俱歸化人余生子淳年十二而之材卒吳生子浚年六歲



而之柱卒同居孀守上奉翁姑下撫孤子甘旨無缺課督有方閭里稱之

黃氏

連城沈鍾慶妻年二十三夫歿氏志堅守撫養二孤成立人欽其節

原氏

歸化謝天齡妻年二十七夫歿遺孤師申七歲氏孀居苦節奉姑教子四十餘載後子食餼邑庠以

明經  
應選

丘氏

歸化許伯祥妻年二十八夫死遺孤二氏食貧茹苦勤十指以養翁姑歷五十餘載

伍氏

歸化監主曾憲範妻年二十九夫亡氏課督五子成名侍老姑病竭誠不懈年踰六旬始終不渝

黃氏

歸化張昌善妻年三十夫歿孝事翁姑撫育五子人稱其節

李氏

歸化劉光宸妻年二十七而寡遺孤二歲欲以死殉翁姑勸其撫子氏截髮明志壽至六十歲



吳氏

長汀副榜貢主趙汝舜妻年十七歸趙二十夫卒氏矢志撫孤曲盡婦職

劉氏

長汀廩生夏祖禹妻子邦奇亦蚤夭偕婦藍氏冰霜共天

謝氏

歸化夏家鼎妻年二十三夫歿姑老遺孤襁褓乃忍死養姑鞠子貞操不渝

梁氏

歸化謝良麒妻年十八而寡遺孤一又孀姑為之立後歷節四十二年卒雍正十一年旌表入節

孝祠

陰氏

寧化吳淑鼎妻年二十二夫卒遺腹生子兄紹撫之成立歷節三十五年雍正十一年旌表入節

孝祠

李氏

連城童志輔妻夫歿氏年二十四無子立姪為嗣族有奪其志者裂膚剖心以示不二貞守三十六



年雍正十二年  
旌表入節孝祠

謝氏

連城童大穆妻年二十夫死慟哭絕粒擬以死殉  
念孀姑衰老二孤無依忍死事育備極艱苦歷五

十餘載雍正十二年

旌表入節孝祠

孫氏

歸化曾學洙妻年十六歸曾二十九夫歿氏慟哭  
即欲自經母勸其存祀忍死孀守至六十六卒子

華旌華旌華旌後  
俱入庠間里欽之

以上節孝

伊好姑

寧化人雷月孫妻年十九美姿容順治三年九  
月汀州新下萬騎自建寧入寧化好姑被擄入

舟謂卒曰身屬汝矣何繫為  
卒喜為釋縛至中流投水死

高氏

寧化諸生高士弘女順治六年寇至母鄧氏病廢  
促之走女堅不行曰母行偕行母不行偕死已而



四廂火熾

母女同灰

廖氏

歸化人年少而好順治七年土寇四起氏逃匿山谷為叅將龍得雲邏卒所獲得雲欲狎之不可乃

扶之歸啗以服飾不動  
鞭之不屈自縊而死

丁氏

名素娥寧化人羅養妻順治癸巳流寇至其鄉所掠男女悉繫繫獨艷娥色不加繫脅之偕行娥宅

前有橋俯溪甚峻娥抱三歲女行至中橋躍入而死

雷氏

名長寧化人楊世修妻年二十七而寡誓不再適姑嗜利怒之禁薪水絕饘粥以苦之卒不可奪而

形日益毀忽一日訣曰欲待姑百年而後死者婦志也今則已矣釋叔零丁奈老姑何然亦行矣絕粒而死



唐氏

寧化諸生李世聘妻夫死氏年二十三夫弟世瞻亦夭妻官氏年二十一二氏既貞年貌又無遺孤

哀慟絕粒  
相繼而死

陳氏

寧化邱九苞妻年二十而苞死苞父以陳年少無子欲其改適陳父母遂有妻禽者苞父已納其財

陳聞之引刀截髮矢曰必如此命盡今日妻禽者退卒絕粒而死

丘氏

寧化人黃一璧妻年二十六而寡無子或諷之再適丘曰是欲擲糞污我也諷者語塞順治庚寅水

暴至屋不沒者僅棟男婦奔城阜以避丘閉戶抱板與為浮沉自朝至暮已而水殺絕粒三日死

鍾氏

長汀夏漢章妻為海寇所掠欲污之不屈與其女同死

陳氏

長汀人名保秀許聘於劉夫歿聞訃自縊死



阮大姑

長汀阮仲麟女許字鄭氏子夜失火女見人媚集不肯出避死於燼

黃氏

長汀張兆麒妻丙戌與夫炒同避兵聞茄角聲懼為強暴所污張投厠死氏遂自縊

黃氏

長汀羅遵甫妻夫與姑相繼亡氏典釵喪葬畢即入室自縊

胡氏

長汀張瑞壽妻年二十三夫歿自縊以殉

羅氏

長汀馬茂魁妻夫卒飲藥而死

鄒氏

長汀馬觀光妻年十八夫死於外櫬歸祭畢自縊

陳氏

長汀范應詔妻年二十七夫喪痛哭悲哀自縊而死

雷氏

名媚寧化人年十七歸賴恩海賴死雷絕而甦者再既而告其兄駿鳴曰兄能哀請賴族擇一嗣以



續亡吾當死守久之賴家無  
立嗣意哭訴柩前自縊而死

羅氏

連城周報子妻年十八于歸一宿而夫死氏視殯  
畢即赴水為人所救舅姑勸之氏乃焚釵環斬衰

月餘自  
縊而死

林氏

武平鍾廷楷未婚妻夫客死岳州計至衰服  
哭奠如禮吞金而死康熙十九年旌表

林氏

武平鍾德壽妻姑老無以  
為養欲嫁之飲藥而死

朱氏

武平童林文妻于歸一  
年而夫死吞金以殉

劉氏

武平鍾登龍未婚妻夫亡聞  
訃奔喪抱屍痛哭吞金而死

李氏

武平鍾陽萬妻夫卒  
誓不獨生吞金以殉



余氏

武平李玖林妻嫁年十八未期而寡絕粒不死吞金卒

曾氏

武平王洪昌妻嫁兩載夫亡不食而死

鍾氏

武平李福五妻歸一載而寡投繯者再卒吞金而死

何貞玉

武平鍾竹有未婚妻夫亡聞訃仆地死而復甦遂屏容去飾不食四十餘日卒康熙五十八年

表  
旌

熊氏

永定賴逢峻妻乙卯城陷赴河死越七日屍浮水面顏色如生祀節孝祠

曾氏

武平杜芳岑妻夫卒絕粒以殉

廖氏

武平池鳳飛妻夫卒吞金死



熊氏

長汀陳廣發妻強暴欲污之不從  
死雍正六年旌表入節孝祠

以上貞烈

## 福寧府

元

何嫗

福寧軍人妻至正間紅巾寇境州尹王伯顏拒戰  
於楊梅嶺退至城西橋上嫗以避寇遇之跪曰公

我父母也進二橋伯顏嘆之已而聞寇入城流涕曰  
悞百姓者我也欲墮橋死嫗挽其衣曰公天子命官  
來守是邦愛民備禦職也今賊衆我寡城陷公何尤  
焉當他圖募義克復未晚也奈何死於此乎遂導伯  
顏沿坑而上避於風雷壇伯顏  
嘉其賢智慰謝之遂謀破賊

張義婦

鄒平人李午妻午同從子零戍福寧午客死張  
力作養舅姑凡四割股療其疾舅姑死喟然歎



曰夫死千里外不能歸骨舅姑在也舅姑歿矣猶不獲歸矣以生為卧冰自誓曰夫骨能歸終不凍死月餘不死鄉人驚異相率贈行揭狀書衣背且行且丐四閱月乃至見零問夫葬處則荒莽莫辨矣張哀號幾絕于忽憑童子發狂言將死時狀且曰西郭天人橋我葬處也張咎視得之持骨祝曰誠妄夫也入口當融如雪黏如膠已果然有司上其事請給復使零護喪歸至正間旌其門

### 明

林淑娘

福安人陳文錫妻早寡姑瞽子幼艱苦持家常日聞孟母擇隣教子某雖貧終不忍此子無教

負地小人男國敦補諸生甲子歲凶捐粟賑饑人或異其事林曰積穀積德均之遺子孫耳壽七十四終

彭氏

寧德人林胄妻年二十三胄亡理家教子井井有法宗族窘乏傾囊相濟有假貸不取息會大雨水



里多漂溺生者賙之死者瘞之垣屋傾壞者助修之年七十餘病革取貲券盡燭焉

丘美娘

福寧周瑋妻年三十四瑋死家無十金親操井臼勤儉無至課兒讀書孟澤年八十二仲濟年

八十六叔授年八十二季聘任瀾山丞年七十八五世同堂丘九十六卒衰杖之男皆龐眉鶴髮人稱罕見以上名媛

唐

謝氏

寧德人林廿五妻始自澤頭徙居感德場所治之陽會偽閩陞場為縣廿五且死窆於所居之西有

欲謀建垣門將沒氏居而平其墓氏方新寡襁其幼子徒步四千里赴汴京坐肺石三日得訴符下所部俾勿壞後氏歿即合葬焉



宋

陳氏

福安人奉議郎王士奇妻士奇以孝聞陳克承夫志事姑孝敬兼至後封安人

丘氏

寧德人陳晏妻慈孝好義姑病篤丘刺血寫經為姑求祐姑果感夢而愈初建寇葉儂以犯私鹽繫尉司日久嘗聞丘之賢孝建炎間儂寇縣境戒勿驚孝婦丘氏古田洋杉有避寇者奔入依丘賴以全活者無算其後孫言應元應俱登第

宋氏

女寧德人事父母以孝聞有司立坊表異

葉氏

福寧人丘腹妻事姑孝諸婦有讒葉者姑始疑之迨姑病諸婦無憂色葉朝夕不懈怛然以憂姑感

其孝以子兄貴贈郡夫人



元

陳氏

福寧人林克威妻克威父天成贊袁天祿克復郡治後以事見猜夜獲兵屠其家陳扶姑抱子走匿

山谷後潛往母家叔克威家遺骨葬之時年二十四母憐其少微諷使改適泣曰禽獸之行不為也事姑

撫子年八十三終

胡淑娘

福安人黃汝大妻孝養舅姑夫卒年二十三育其三歲子應延誓志孀守構孝思亭於舅及夫

塚旁邑被寇且旱荒出粟百石以賑橋梁圯廢捐貲營造縣為立經濟坊

明

鄭細妹

福寧人知縣鄭遜女適王選年二十四夫亡無子母令改醮鄭叩首流血誓死抱夫兄子贊為



嗣攜至父家撫養為娶婦遂有曾元詔旌其門

連婉娘

福寧人黃坦妻年二十一而寡子鐸生而瘖或諷之曰青年守節恃有子也子瘖奚恃曰當使

不瘖於心遂延師教之鐸長竟延黃氏之脉正統十年建寇犯境連盡輸諸粟以餉師人曰丈夫哉

陳氏

福寧人舒祥妻家貧無子依夫姪以居每不能舉火忍饑無悔年六十餘卒

陳氏

名妙緣福寧人應惟進妻早寡僅一子舅姑七分田業并白金四百及子死伯叔利其產欲嫁之陳

悉出分田遺金以全其節

吳煜娘

福寧人林潯妻潯疾革無子囑他適吳泣曰妾恨不同死且二姑垂老誰為終養可有此禽獸

行耶潯歿年二十三取夫之從子梁為嗣事二姑極孝卒年七十六詔旌其門



周坤娘

福寧人知府周璞女歸庠生尹應節僅九月而尹亡周痛毀幾不欲生以遺腹故恐死既而生

男銓屏絕鉛華雖至親罕見其面

周氏

名催小福寧人林源妻源早卒舅姑長子相繼淪沒留一幼子膝催小力營葬四喪延師教膝後膝

通書史善詩工古篆生子文盛文孟以士行稱

張氏

名妙珠福寧人高紀妻紀卒貧苦立門戶教諸孫以書曰人不讀書便是虛生一世年七十二卒

彭氏

寧德人左守貴妻事姑孝萬歷三十八年姑病篤割胸取肝以救之

卓氏

福寧人彭煥妻煥死遺一子家貧伯叔欲奪其志絕其薪水屹不為動拾薪易米紡績度日年七十

辛



楊氏

名靜德福寧人千戶劉泉妻泉卒楊年二十九三乳生五男俱在襁褓日操井日夜勤紡織教諸孤

俱成立年八十卒

鄭氏

福寧人李材妻年二十三而寡遺腹生子娶周氏孫娶楊氏子與孫相繼死鄭撫周楊二婦孀居不

二人稱李門三節

張氏

福寧王淮妾臨清人淮卒於官僅遺一女張年十九侍主母薛氏南還獨處小樓不與人接服滿父

自臨清來薛惜其少令諷更嫁矢志不從有郭都司託沈指揮求聘張詒詈之尋自縊得救而蘇事薛如

姑苦節五十

年以壽終

張婉娘

福寧人柳森妻森病篤割臂和藥不効一子甫兩月力苦自持中年子歿撫二孫成立孫媳張



米娘孝事之

張敬娘

福安人郭孔曾妻年二十一夫死撫二歲孤艱辛纒紉以度殘喘時避寇水漲衆婦皆從夫男

背負以濟張恥之自分必死馮涉中流幾溺幸免父被寇傷左臂張含藥吮其瘡毒父遂愈

陳氏

寧德人林文輅妻早喪夫撫教四子勤女紅奉養舅姑每食必致佳味人稱賢孝

阮鈴娘

福安人郭良三妻年十八娠二月夫卒家窘庶姑王氏待之刻勒令改嫁族人哀憐勸從姑意

答曰妾打死餓死何害豈可以身鬻姑憤陰置藥飯中以毒其子事覺逃之外家筑筑撫孤紡織自給族

里咸嘉其節

年八十六卒

陳氏

寧德人知縣左承芳妻倭賊陷城舅姑老病陳氏以身先後之卒免於難



倪氏 寧德人陳鸞妻弘治戊辰縣大疫繼姑死諸婦慮

棺隣里嘆其賢以

子勗貴贈安人

王素娘

福寧人諸生張應宿妻生子建明方在襁褓而

方孀守四十五年志節凜凜

孫氏

吳叔泰妻生子士吉週歲而叔泰歿父母勸令改適孫齒一指哭誓不移紡織自給事舅姑以孝聞

子孫嚴於訓課孀居七十年

黃氏

福安人繆季弘妻夫亡守節不二男頌娶婦陳氏亦早寡子二歲陳斷指天志與姑共撫遺孤終身

無玷



鄭長娘

福安人黃大轉妻年十七而寡齒指自誓奉七旬老姑生勤甘旨死備喪葬撫遺腹男緝蠶課

讀歷四十

四載卒

鄭氏

寧德人徐傳妻方于歸舅罹非禍鄭罄粧奩無難色舅姑亡遺二小郎撫如已出李郎幼病痢調藥

滌穢久不急李婦亦多病病垂十年鄭又護之婦臨死泣謝曰妾夫婦受恩來生願効犬馬也

卓雍娘林金娘

福安人黃釗側室釗死卓年十九林年二十八嫡陳氏憐其無出試遣之卓林

籲天泣誓勵操愈堅毀容垢面三寡一心孀居四十餘年俱以壽終

湯氏

寧德人陳珪妻年二十一珪死一子甫六月即驚晉珪造墳穿牆其右以示同穴之意孝養舅姑教

成孤子以全節終



欽定四庫全書

卷五十九

黃氏

寧德人陳大護妻事舅姑克循內則祖姑年老溫清備至大護死子甫一月百苦撫孤貧貧窟亦不

請求外家女紅  
婦道一家取法

鄭氏

寧德人陳樞妻夫卒遺二子攜往父家勤苦撫育年七十終

林氏

寧德人周文普妻文普出繼嗣叔父林年甫十九方懷娠文普死兄弟共議出林而亦分其業林號

泣誓死既生男屏居一室雖至親罕見其面

彭氏

寧德人庠生林示乾妻夫死家無以殯百計成禮倭亂扶姑匿山中姑病焉減壽顧天舅病朝夕護

侍未嘗就寢

黃氏

寧德人林示約妻示約被倭殺於銅鏡黃奔收屍朝夕哭奠舅姑父母憐其芳年無子諷之再醮不



從屏飾絕葦閉門誦經舅姑歿  
秉家肅然諸姪敬事如其父母

**劉氏**

名珠貴福安人諸生高試妻年二十五夫亡大慟  
曰一死從亡人分也親老孤幼奈何忍死守節事

翁姑彌謹喪葬如禮歷倭變伶  
仃萬狀竟完其節訓子成立

**彭氏**

左爾良妻姑暮年病劇爾良入城延醫姑忍不能  
語彭度無生理乃登樓焚祝願剖肝療姑挈刀直

剖其胸刀鈍手亦少怯乃併力橫剖之見肝剖一嚮  
有白血如箭射壁間亟呼女來女驚扶彭下樓赤血  
淋淋時以昏暈仆地女為烹片肝  
餉姑姑愈事聞當事扁曰奇孝

**葉申使**

許謝家將婚謝死女天志不嫁衰服往謝門祭  
奠畢次拜舅姑將以身殉既而嘆曰吾何難一

死忍使泉下人廢嗣乎遂請立孤值母病篤歸  
侍禱天割左臂以療歸謝門十二年以病歿



欽定四庫全書

卷五十九

陳氏

福安人李宗妻善事舅姑敬夫如賓生一子二歲夫卒舅姑憫陳少欲嫁之陳自誓曰如今改適寧

賜一繩後以節終

陳門四節

福安人張氏陳景深繼室也景深娶張有前妻于二歲恐張弗愛寄之他所張詢知亟取

以歸後生二子愛撫如一景深死張矢志守節而景深姪鏡妻林氏姪孫清妻林氏元宗妻高氏皆年二

十餘守節

林氏

寧德人崔允純妻年十九夫歿父母哀其年少無子泣曰有遺腹天必成婦志也後果育男堅守撫

養嘉靖末值倭變逃匿山鄉舅姑俱病林日夜辛勤調護雖孝子不能有加也壽卒

林氏

寧德人庠生陳庚妻素嫻內則佐庠學有樂羊妻之風庚天長子三歲次遺腹苦志孀居年百之變



攜孤避亂艱危  
萬狀竟底有成

謝氏

寧德人林文珽繼室年二十歸林甫二年珽病篤謂謝曰能終事乎謝掩泣剪髮示珽遭倭變抱孤

子奔竄凍饑荒山草莽中竟以撫孤而完節

林氏

名閨秀福安人鄭紹篤妻夫死子甫二歲外家逼奪誓不改適家遭水火窘甚紡織事舅姑舅姑病

籲天減壽及亡假貸殯葬壽九十一

詹月娘

福安人年十四許字鄭繼宗繼宗死月娘聞計欲歸守服父母不從自服喪三年年不嫁終身

足不踰閩年六十七卒

謝蘭娘

福安人鄭仁九妻夫卒無子舅姑早喪竭力殯葬父母憫其少且貧受陳氏聘蘭娘將赴江自



溺救免年  
八十四卒

郭門三節

福安郭德元妻趙氏郭景充妻劉賜娘郭景瑞妻余瀛娘三婦矢節相礪並以壽終

林氏

寧德人韓志源繼室夫亡子幼里有富人求為側室林抱子大慟或曰渠肯則室人乎哉未幾有求

為妻者不從如初或曰渠有子也妻人乎哉未幾子暴亡復有求聘者力斥之曰吾夫與吾子可死也而吾心不可死

林氏

名淑惠寧德人陳續妻年二十續歿一女在襁誓死守志伯氏夫婦俱歿遺一男煥林撫育之長為

娶於彭生一子煥又歿彭林相依清節凜然彭事林孝謹年幾五十先卒林又撫孫至長成以壽終時稱

一門  
二節



左氏

寧德人庠士龔佐妻子邦卿甫五歲佐與父繼亡內外無依左舉三喪重遭回祿孤苦酸辛日夜紡

織課邦卿讀書仕為訓導其後遇倭變赴水死

鄭氏

寧德人吳澄妻年二十一澄與弟覆舟俱溺澄將登岸顧其弟在中流復回救之力竭而死鄭力貧

撫孤持志不  
二年七十餘

黃昭娘

寧德人彭祖振妻年十七歸彭祖振有痿疾昭娘謹事初無怨悔居八年祖振病倚疾周至終

始不急祖振死撫猶子為嗣人聞其猶處女也多求聘誓死不從知縣蔡稠以奇節表其堂

鄭氏

福安人陳伯昌妻年十四到股療母病父本教鄉塾鄭聞父教晰大義長歸伯昌祖姑老病侍湯藥

不懈夫卒子元暎六歲元曙方晬誓志苦節喪事頻仍罄奩為給以孝經論語授其二子及長俾學詩禮



仕 俱入

黃氏

寧德人林麟妻年二十五夫亡事舅姑孝謹後子鉞官蕭山訓導

林氏

寧德人陳江妻年二十二江死三子俱幼力貧撫教子榮樂以孝聞鄉人稱之

宋氏

寧德人黃桂妻年二十五而寡有子四歲天心不二夫妹適福安士人新寡無依亦來就宋姑嫂同

處勤女紅以給衣食並以清節終

韓氏

寧德人黃叔恭妻年二十五而寡有子七歲天心不二夫弟叔和後一年死妻左氏共守志事舅姑

生養死葬力貧不失人稱雙節

姚氏

寧德人崔昊妻年十七歸昊四年而寡止育一女屏居閑影不至外氏



陳氏

寧德人左洪妻年二十二洪死子甫二歲力貧撫養子長娶陳尋氏婦姑相依人稱雙節

鄭氏

寧德人湯寬妻生子二歲而寡事姑孝謹剪髮繫臂誓不易心

吳氏

名細娘寧葉從式妻嫁九月夫卒誓死以殉為妯娌周防不得間尋立伯氏次子懋猷叔氏次子

懋育為嗣曰二子並嗣示不私也

王氏

壽寧王鑑女年十八適孫科甫五月夫死姑憐其少無子欲嫁之王斷髮自誓姑歿喪葬盡禮完節

七十年以壽終

周氏

壽寧諸生李尚文妻文死年二十六哀毀逾常舅姑欲使再適周曰婦義無二舅姑年邁遺孤斃了

妾何忍去孝養無缺訓子成名年八十四終



黃氏

壽寧人平陽軍卒女陳忠聘為繼室期年忠疾謂氏曰母老子幼倘不諱聽從汝志黃泣曰更事非

禮背德不祥吾不敢為忠  
歿事舅姑撫諸子以壽終

金氏

壽寧人劉良妻良歿金氏二十一有媒之者舅姑欲許金泣告曰婦道無二別妾夫義士也妾獨不

能為節婦乎飲水  
茹蘗終身如一日

謝氏

壽寧江進妻年二十五生一子名叔權甫一歲夫卒誓不改節攻苦自給進有姊名綾尚未許人感

氏節遂與同居不復適人  
鄉里頌之年皆七十而卒

江氏

壽寧葉綱繼妻年二十七綱宦卒於京父母命改嫁江曰女子之義從一而終誓不再適撫諸孤而

教之



許氏

壽寧朱文斌妻斌卒父母逼其改嫁剪髮嚙指自誓靡他所生遺腹復大許撫課孫鳳補弟子負年

九十終

吳二姑

壽寧林京九妻年二十二夫病將死顧二姑曰死不足懼但痛母老家貧子幼耳吳泣曰事君

義在偕老不獲願命也敢有二志乎子母有妾在君無痛念夫死事姑愈謹撫孤成立

葉氏

壽寧葉朝榮女年十八適諸生李道義義死歸母家毀容守節一生不見齒年六十四終

龔氏

壽寧諸生吳文振妻年十九振夭父母欲奪其志龔曰婦義不再醮豈以生死易心甘貧勵節撫男

世和娶某氏生孫和復死姑與婦同甘苦節年八十二終

以上節孝

唐



林氏

寧德人黃岳妻也岳不受偽閭之辟投淵而死林氏時在山頭舊宅聞之慟哭曰夫能為忠臣妾獨不

能為忠臣婦乎亦投淵死

宋

鄭貞娘

福寧人父曰靖兄君老貞娘少端莊不妄言動未笄許嫁里人林森德祐元年元兵南下兇徒

四起一日寇至貞娘懼見污取刀自刎已死仆於牀猶手刀甚堅時君老亦被賊傷歸見貞娘死撫尸而慟刀始脫人咸異焉

元

林福使

福寧人父天成為袁天祿叅謀天祿屠其家福使未嫁天祿悅之驅以行福使嚙曰賊耶賊耶



殺我父母恨不能手刃汝  
尚從汝耶天祿怒斬之

孫氏

福寧人福建宣慰都元帥陳端孫妻也端孫鎮福清拒陳友定中流矢墜馬被執見殺孫氏曰吾夫

死國事吾可獨生  
乎抱女投井死

劉氏

女福安人至正間大安社掠鄉村有袁安父者欲污之女大罵安父怒擊之幾死乃捨去

明

陳四姐

福安人吳得珍妻得珍早卒陳撫七歲孤誓不再適伯氏欲奪其產屢逼再嫁陳泣不從後揣

知伯氏意不善乃手書先世產業一紙匿之故籍中削髮為尼伯氏又逼之遂投溪死隣里皆為嘆悅而郡邑未之聞也成化十九年伯氏孫奪其孤田孤檢故籍中得母手書訴於同知馬迪為剖析之還其產



陳之貞烈

始白於世

李息娘

福寧人鄭龍妻夫卒子甫兩月誓志不二子七歲殤息娘撫屍大慟自經死

李氏

壽寧周騫妻二十適騫甫三月歸寧聞騫卒徒步百里奔赴殯墓自縊

熊招娘

福寧人庠生周文昌妻嫁三載文昌死招娘斷指自誓年四十有謀委禽者招娘大慟自經不

獲赴井死嘉靖初旌表

陳氏

福安人劉廷興妻嘉靖末與夫及姑為賊所掠語夫曰妾死不足惜君母子奈何乃結賊以身為質

脫廷興與母歸取贖金廷興母子去稍遠遂自刎同時遭倭變而著節者又有臨亨訓導繆思恭妻林氏阮承祖妻楊宙娘王崔女盛娘自刎死寡婦陳國祉妻郭氏自經死陳九思妻劉錦娘郭守元妻李氏郭



理妻不知其姓皆罵賊死又有一婦下裳繫束首斷於床

**顧氏**

福寧人適朱祚祚貧且嬰疾顧鬻奩具以贍衣食及藥餌祚疾革囑曰我在汝且饑死將何支況少

而無子可擇事後人以終身也顧泣不應祚死顧年二十六乃鬻裙布以殯為人紡織取傭以供饋奠有濟之者弗納有諷之嫁者輒痛憤欲自盡罄鬻釜甑陶器之具葬夫於木梳山畢父母強之歸不往絕粒而逝

七日

**張毘娘**

福寧人善詩文受盛問智聘未婚而夫亡毘娘不食死合葬於西郊山著有貞閨磁鐵集

**杜妹懿**

字叔真福寧人杜應鴻女年十七從母避賊走海上賊追急恐見污遂投於海中國渚沒胸舉

手與母別奮躍及深而死



曾氏

福寧人名羅蓮許聘包氏子頃頃家日替父滋不悅既頃死喜曰吾女脫苦矣女泣曰兒雖未行父

當往弔父如言往已而羅蓮死矣

趙氏

福安人生負陳時表妻年二十七倭入城度不能脫恐受污攜二子赴火死賊去灰燼中猶見其母

子骸跡

陳氏

名淑慈寧德人經歷陳範女林示續未婚妻倭入城遭擄以及脅之行氏堅抱柱不為動賊怒斫殺之

吳氏

寧德人生負林執中妻倭陷城夫被執逞身奔出與賊爭持賊怒斬之

崔氏

寧德人生負林鴻漸妻倭擄不從見殺身死磚地既而屋燬身焚每天陰雨其形宛然着磚



林氏

寧德人陳翰妻也與夫俱被倭執至賊營泣謂夫曰不幸至此勢難兩全吾有死而已汝歸撫子無

以吾為念也百計脫夫出營歎曰吾事畢矣遂赴水死

謝氏

寧德人曹逞妻與數婦俱被倭執拘於東門林家樓至晚度不免乃托燒水盥浴投井而死

張氏

壽寧吳自修妻嘉靖中倭寇壽寧張年十九負幼兒匿巖內賊搜出以及挑其兒欲挾之行張向前

奪賊曰不行先殺汝子張曰願殺我勿傷兒賊怒遂並殺之

陳氏

寧德人生負林邦京妻城陷為賊所執欲污之不從大聲罵賊賊怒殺之

何氏

寧德人林文奎妻倭寇至與群婦俱出逃匿賊追至江邊度不能免謂諸婦曰與其受辱孰若死之

為潔乎遂赴水死



林瓊娘

福安人吳汝喬妻年十九夫亡遺孤數月母令改嫁林怒自高樓墜下不死復自經者數於是

議婚乃止偕姑羅侃娘緝繡存活孤長娶婦李主孫未週萬厯九年大水三婦登樓以避時有撐筏者招

使濟林顧姑媳曰死則死耳吾豈肯以身近男子相對而泣投水死

林氏

寧德人生負黃總妻年十七而寡一子甫兩月父母欲令更適林誓志不從及倭變赴火自焚死

漁人妻

從漁人徙福寧古縣漁人死無以殮哭三日殯之海濱殯畢躍入海死

投水四婦

福寧人嘉靖末倭寇盡驅男婦入舟有投水四節婦一楊文進妻尤氏一楊景賢妻官氏

一卓永弁妻教氏又其一不知其姓

黃氏

壽寧李津妻年二十五津喪無舅姑兄嫂逼嫁之剪髮為誓嫂曰髮可短也可長也黃聞自縊死



上官氏

福安人黃富妻夫死無子豪民艷其美欲娶之時方應役乘勢訟於官伏與夫於門俟其出強

弁以歸氏素袖刀自備見勢不可脫即抽刀自割衆皆驚散家人扶歸救治得不死松溪知縣陳槐以事

至縣聞其事躬臨慰勉仍為傳贊士大夫皆有詩表之以上貞烈

未經立傳者附後

徐氏

楊孝寧妻

林貞娘

杜應麟妻

李星娘

尤進妻

周瑛娘

生員林衍妻

馮氏

趙璧妻

趙壽娘

生員張璋妻

林氏

盛抑妻

葉織娘

王良夏仕妻

氏

張錢妻

霍氏

俞邦瑛妻

熊四妹

焦晨繼室

陳氏

周文國妻

椿妻鄭佛奇

林羨之妻

莊玉娘

丁相妻

謝氏

百戶陳鎮妻

方炯娘

張翊



妻 鄭賢娘 王滿妻 徐氏 名女孫 揚橋妻 顧氏雙節 其姊葉鴻妻 妹張應妻

王氏 鄭道保妻 葉氏 楊塾妻 以上俱福寧府人

卓氏 鄭由妻 章氏 林栢三妻 郭細使 生員吳延壽妻 陳氏 趙德謙妻 黃

氏 吳黽妻 鄭氏 郭允脩妻 林貴娘 黃均妻 羅巧娘 黃必高妻 林氏

陳公旺妻 詹氏 趙琳妻 張聚娘 王時習妻 林真娘 陳成一妻 阮氏 生員

陳邦翊妻 林銀娘 郭文標妻 郭四娘 陳中元妻 陳春娘 繆域妻 劉啓

娘 郭孟壽妻 余氏 陳時教妻 郭長使 陳紹英妻 林氏 陳清妻 高氏 陳元

宗妻 郭香娘 陳集梧妻與媳 趙氏俱以節著 陳氏 鄭天養妻 池惠娘 陳國佐妻



以上俱福安縣人

陳氏

進士何

黃氏

林元鼎

何氏

陳高

薛氏

龔達

韓氏

宋府

何氏

庠生林

龔氏

薛祥

劉氏

馬鑄

龔氏

薛機

鄭

氏

徐傳

何氏

薛文

鄭氏

陳樞

謝氏

生員林

黃氏

林慙

繼室

黃氏

學正陳

陳氏

典膳林

陳氏

名愛婉

彭氏

陳氏

名繼

日進

陳氏

彭鏡

詹氏

劉元

劉氏

趙佛

吳氏

王思

林氏

楊叔

楊氏

胡鍾

施妙錦

張文

薛氏

崔允

林氏

崔文

黃

氏

陳銓

龔氏

徐元

周氏

林若

阮氏

林二

何氏

林全

以



上俱寧德縣人

卷五十九

吳氏

業秉則妻

孫氏

業伯臻妻

劉氏

吳世焰妻

以上俱壽寧縣人

國朝

林氏

福寧人湯銘妻年二十六銘卒誓志守節姑病三載奉侍不懈織紵教子孀居三十餘年卒

李氏

福寧人連孟斛妻子邦品媳倪氏孫鳳德妻鄭氏三世孀守奉姑撫子俱以節聞

張靜娘

福寧人諸生朱廷璋妻夫歿家赤貧孤孀甫六歲張矢志不二訓課孤子康熙二十四年旌

表

陳吉姑

福安諸生吳瑞進妻年二十而寡歷四十三載一節凜然



湯寶娘

福安人陳學劉妻年二十二夫亡矢志撫孤孀守五十餘年卒

池為使

福安陳端涼妻年二十五夫亡力貧撫孤至八十五歲卒

王文使

福安陳陸梧妻順治初羅寇陷城陸充鄉長禦寇死王年二十六夫志不二撫二孤成立壽七

終十四

陳氏

寧德黃河妻年二十五而寡有二子長三歲次甫週家貧父母勸其改適截髮自誓舅姑卒襄葬事

備極艱苦人咸稱之

李氏

壽寧人年十六適葉喬林生二子長有挺次有拔林死挺六歲拔週歲李年二十有三泣血垂死復

甦者數姑病服事彌謹年八十有五有挺後成進士以節顯



陳氏

寧德諸生林坤妻嫁甫兩月海寇入城坤被擄死陳年十八誓志貞守以夫姪為嗣舅姑亡竭力殯

葬孀居六

十餘載

林氏

寧德陳聖韶妻年二十二子甫七月夫死孝事舅姑遭寇亂室廬焚燬林多方拮据養生送死均無

憾焉年八十餘卒

林長使

福安陳其義妻性孝時海氛未靖夫外出家貧子幼盡鬻衣市藥以護舅疾顛天請代舅卒拮

据襄事泣血哀毀至於身亡

吳鸞使

福安諸生陳復旦妻姑卧床褥垂二十載典釵分乳以供醫藥及病篤剗臂和羹姑得痊翁歿

相夫治喪不辭勞

瘁年五十四終



林辛使

福安陳其下妻年二十九而寡長男四歲次遺腹家貧奉姑撫子紡織為生年八十五卒

郭上姐

福安劉聯魁妻年二十三而寡時遷移初復翁姑已故廬舍無存郭辛勤拮据以奉祖母姑撫

遺腹子成立

年六十六卒

郭新使

福安諸生王希鹿母年二十三夫死誓志不移事舅姑撫幼子人欽其節

郭芹娘

福安諸生陳端臣妻年二十二夫亡立從子為夫後孝事舅姑撫教嗣子以天年終

李辰使

福安陳端淨妻年二十八而寡有二子長四歲次二歲撫之成立日紡織易米以奉姑壽九十

歲

李富使

福安鄭大忠妻年二十一夫亡孤方晬忍艱鞠育長娶婦又天同媳撫孫孀居四十餘載



謝氏

寧德陳希毅妻年二十五而寡孤甫五歲守節六十餘年

崔氏

寧德黃煒妻年二十四寡力貧苦守孝事舅姑撫遺腹子道里以底於成

崔氏

寧德諸主林均妻年二十六喪夫子六歲矢志不二舅姑歿喪盡禮苦節五十餘年

夏氏

寧寧吳邦畿妻年十七適於吳甫一年夫死無子翁姑令改嫁夏即除并毀粧示不再醮歸守父家

親戚罕見其面

毛氏

壽寧葉萬春妻年二十八夫死家貧苦守撫育三子後二子薦於鄉一子食餼於庠

符氏

壽寧庠生郭廷聘妻主二子夫死符年二十六孝事九旬老姑課督二子入泮苦節五十年壽七十

六



龔氏

壽寧生貧吳兆母遺腹孀守始終不渝鄉閭欽其苦節

黃氏

寧德林騰燦妻生子三歲而夫亡黃年十二孀守四十載養姑育子備歷艱辛

阮氏

寧德張承祚妻年二十六夫卒子甫六歲日夜紡織以奉翁姑始終無玷

崔氏

寧德林集中妻年二十一夫亡奉翁姑孝撫二歲孤成立守志以終

趙氏

寧德林子侯妻年二十適林兩載而寡止一女為夫立後翁老敬養不懈孀居七十年人稱孝節

陳氏

名兆英福寧人諸生吳道南妻夫殂陳年二十夫節撫孤孀居三十餘載雍正五年旌表入節孝

祠  
以上節孝

崔秋姐

遂溪廣文崔宏中孫女適陳潛潛父希孔任肇慶府同知攜家歸閩道出高明縣遇賊眷口被



殺僅留秋姐與其妾二人脅之從秋姐與舅妾不受辱賊掘土坑活埋之

江氏

壽寧張守符妻年三十一寇亂江及六歲姪被執汚之不從恐幼姪不保紹曰至縣成配至東郭溪

頭嶺置姪道

旁投崖死

符氏

壽寧林公興妻年二十六土寇據福安符被執強汚不從投河死

李氏

壽寧林朝綱妻寇亂至梅洋村李被執欲汚不從賊囑同擄婦誘之終不屈賊怒剖腹支解投屍河

中

郭圓姐

福安諸生吳瑞雲未婚妻瑞雲外死計至圓姐毀容哭踊決以身殉及擣歸衰麻奔迎晨夕哭

莫閱數月  
絕食死



林聚姐

寧德陳芳名未婚妻年十九聞芳名計即更服欲往夫家守志父母不可日夜悲號適有議婚

者聚姐乘母出即自縊次日舅迎其屍至家殯殮與芳名合葬焉

林氏

寧德黃元昌未婚妻年十八值海寇入城懼見辱以頭觸階而死

柳端娘

福安人約婚林時亥年十六時亥卒柳請於父母奔喪遂絕粒死方柳之初絕粒也舅姑泣勸

不應越數日慙甚舅姑強食之乃飲水少許終不食姑屬老嫗晝夜伺之至十日嫗亦慙甚端娘以日飲

一勺不即死嫗慰之曰子年少且未嫁何自苦至此柳曰嫗何知吾身已許林何有於未嫁哉嫗恚曰子

死誰復挽子且飲水何為者水固能活人也遂閉口不飲又六日卒州守李芬高其義親祭焉以

上貞烈



臺灣府

國朝

張氏

臺灣縣洪之廷妻年十八歸洪生一女之廷死舅姑憐其年少使隣嫗微諷之氏曰吾所以忍死者

為舅姑也於是勤紡績以終養水操四十年如一日

林氏

臺灣縣辜純湯妻湯卒林年二十二無子撫其膝二子為已子事姑孝姑病刲股和藥齋天減算以

益姑壽病痊延五年而卒

余氏

臺灣縣楊茂仁妻主三子而茂仁卒氏年二十二泣曰與其舍生以殉曷若撫孤存祀歷節至六十

三歲後子贊化入國學孫錫壽遊庠



陳氏 莆田人歸鄭斌昇移家臺灣年十八而寡遺孤甫週力貧守節撫其子及孫有成歷節三十二年

以上節孝

鄭氏 鄭斌女配續順公沈瑞辛酉冬傳為霖反間謀洩株連及沈囚其眷屬獨氏發歸氏泣謂父曰兒既

適沈家生死與共今罹重禍兒安可獨生願父遣兒同繫斌從其請羈之別室及沈將縊問夫人何在或語之解一帶使持別夫人氏遂投繯而死

陳氏 鄭克璽妻陳永華女克璽者偽藩鄭經螟蛉子也經西寇委政於永華永華引嫌立克璽為監國經

敗東還永華亦歿即以國事付克璽無何經病亡諸弟於喪次揚言曰彼非鄭氏子孰肯為之下環訴於經母董氏董氏命收監國印幽克璽於別室諸弟怨克璽深夜遣烏鬼拉殺之董氏以永華望重猶禮陳



氏陳氏曰昔為箕帚婦今為罪人妻官民禮隔願出居待亡夫百日後即往從地下耳許之乃為別室以處陳氏置克璧柩其中陳氏旦暮號哭如期懸帛柩側沐浴整衣自縊而死

鄭氏

名宜娘漳州人歸臺灣縣謝燦燦遠賈三載始歸尋病卒氏朝夕號泣誓以死殉隣媼慰以姑老家

貧且無兄弟若何氏曰婦人從一而終余知從一之義耳遂投繯死

阮氏

名蔭娘漳州人父操舶為生年十六歸鳳山王尋尋隸行伍于歸後未有生育撫夫兄子如已出尋

歿其仲兄某來哭尋殯畢氏請所撫姪為夫立後欲自經仲防之密乃設計醉仲以酒遂嚴粧潔服從容

就縊事在康熙二十二年

黃氏

名棄娘年十九歸傅為霖次子璇為霖以反間謀洩父子俱置極刑眷屬發配氏兄銓為氏營救得



免方傳之被繫也氏猶日望其生及父子遇害決意死其兄多方挽之氏曰今日之事子為父死妻為夫亡於理甚順遂自縊聞者哀之

趙氏 臺之鎮北方人歸李宋宋病侍藥衣不解帶及死哀慟迨三旬祭畢遂投縲臺之士民高其節爭弔

祭之

鄭氏 名月娘南安人年十九歸鳳山儒士王曾儒逾年曾儒卒翁以貧故欲速葬月娘乞稍緩之越數日

白其翁願死從夫葬翁囑隣媪勸止之月娘曰吾當夫沉劇時即以死許之義不可移投縲而死

郭氏 名益娘臺灣縣曾國妻年十八未有所出國弱海死氏日夜哀哭誓不欲生已而白所親曰夫死義

不獨存願從之地下遂自縊



紀氏

名儉娘臺灣縣紀惠女許配吳氏子未嫁夫病寢食俱廢夫歿遂自經以殉時年十八

王氏

名芑娘諸羅縣人歐預之妻年二十適預年而預卒氏哀毀悲號治喪盡禮既卒哭沐浴更衣自

縊而死

黃器娘

臺灣縣陳越琪未婚妻聞越琪病器娘減殮祈禱及卒遂自縊康熙六十一年旌表

蔣氏

北路營叅將羅萬倉妾將投賊陣亡訃至氏投縊以殉

以上貞烈

永春州

宋

留氏

永春人洪晚成妻晚成遠戍囑留曰我歸期莫必母氏老請以奉養托子矣逾年晚成卒留年二十



四誓死不嫁撫育幼子養姑必備甘旨  
姑卒鬻室廬以供喪葬年五十六終

明

張氏

德化人年十九適曾阿原生子儀僅數月而夫歿  
家素饒兄弟宗族之强者判其嫁而圖之張抱儀

泣誓曰天不墜爾宗使爾得長大我之志不堅天地  
鬼神實鑒臨之後儀補邑庠又早卒張乃以夫姪為

嗣撫若已出

竟以節終

蔣氏

德化人劉惟義妻年二十四而寡家貧甚蔣饑寒  
紡織奉養舅姑撫二幼兒孀居勤苦三十九年始

終一節

張氏

大田人名秀陳熙妻熙亡年二十二  
遺腹生子名宜善撫字成立以節終



黃氏

名荆梅永春諸生鄭慶妻慶卒黃年二十一孤甫二歲遺腹孤甫三月誓志鞠育舅姑憐之將二孫

與諸子均分田業舅姑歿諸叔欲奪其田黃歡然付之忍貧孀居親疎無間言年七十四終

林長娘

德化邑民林德茂女也蚤失母父死時有弟宗源甫八歲而長娘年十七矣臨歿謂之曰汝可

字人然為我撫幼子成立則大善也父歿長娘撫宗源竟不字壽八十有一

鄭氏

大田張盛三妻以節終

王氏

大田庠生嚴和濟未婚妻濟歿王氏奔歸夫家孝事舅姑誓死不嫁年三十終

溫氏

大田人名月娘范永岱妻主男祖甫半載岱卒父母憐其蚤寡令改適氏誓不二年七十七以節終

以上節孝



宋

張氏

永春人年及笄未受聘紹定間寇犯邑女入山避之猝遇掠寇欲污之不從恐不能脫乃給寇曰有

金帛藏於家同歸取之甫入門遂大呼曰吾寧死決不辱身寇怒殺之越三日面如生

黃氏

名桃娘德化人適陳得環環客死計至痛絕尋屍歸葬母逼令再適桃娘潸然於門外池遂投水死

明

盛氏

永春人夫顏兆榮嘉靖間流賊剽掠及境兆榮隨兵禦賊氏攜其男女以避為賊所得欲污之不從

遂遇害其養女陳珠有姿色亦不受辱與俱死焉

王菊娘

永春人鄭馴妻嘉靖時山賊至氏抱子逃山中見夫為賊所獲挺身救之給賊曰以我為質賊



釋其夫氏度夫去遠  
遂罵賊母子俱遭害

黃氏

德化人陳濬九妻嘉靖末流賊哭至與濬九抱週  
歲兒逃匿山中賊獲夫免之而欲辱其妻強不可

及其兒撫兒慟哭罵賊甚  
厲遂被害年二十有五

陳氏

德化人鄭仲妻歸半載而仲  
亡哀慟七朝慟慨就義死

郭氏

大田人夫其姓名鄧茂七亂鄉人結寨東巖拒  
之賊破寨婦強兒而且有身矣賊驅婦去婦奮

罵投百尺巖下胎兒及腸胃迸出狼藉賊據高垂瞰  
皆酸鼻不忍視曰此真節婦懷輩逼犯之不祥瘞之

而後  
去

郭氏

名善英大田人宣三女王永亮未婚妻永亮卒善  
英白父奔喪至則留家持服朝夕莫執喪事舅姑



日就羣處女治女工深閨中永亮將葬盛為傭者治具囑使作大壙人莫覺也發引前一日自縊而死

**黃氏**

晉江人適永春許朝槐朝槐病草氏年二十有六斷牛節為約撫女事姑治夫葬事既三年遂自經

死

**呂氏**

永春人鄭朝新妻年十七歸鄭奉養老姑朝夕不怠五載夫卒呂以死自矢曰吾暫作孤兒母耳迨

兒稍長即歡然投繯而逝

**林氏**

永春人許聘尤文炷未婚文炷卒林年十九聞許奔喪在大柩前誓以死殉越旬懸帛自經有白氣

二道如虹燭  
大事聞詔旌

**楊氏**

同安人永春黃維禎妻維禎卒楊年二十二矢志殉夫舅以家貧勸沮楊佯許諾每日惟殮徹奠餘



粒旬餘候舅外出  
自經夫柩之旁

劉四娘

永春人許字林永弘一日隨母歸寧至花石潭遇賊恐受辱別母云丹心映水無愧母氏遂赴

水而死

張貞女

大田人許配詹氏子未歸夫歿氏遂投繯死詹家取其柩合葬之

以上貞烈

未經立傳者附後

謝氏

王邦述妻

鄭氏

林養妻

顏氏

尤瑚妻

尤氏

李漢中妻

潘氏

顏濬妻

唐氏

黃煥妻

以上俱永春州人

李氏

林兌一妻

林氏

易象廣妻

丘氏

周位妻

連氏

翁懿宗妻

曾氏

蘇堪妻



黃氏

許天驥妻

陳氏

名愛娘黃萬堦妻

以上俱德化縣人

國朝

鄭氏

永春儒士宋焄妻年二十八而寡家貧力貧奉姑得其歡心撫教遺孤祖暉舉康熙庚戌進士至八

十三歲終

黃氏

永春諸生彭元上妻年二十一寡事姑克孝立夫姪為嗣復錫節操益勵勤紡績為夫營葬

吳氏

永春諸生傅嘉祚妻生一子作揖三歲而嘉祚歿吳年十九遭寇亂舅姑喪葬無廢禮教子作揖列

於庠內  
外稱之

連氏

永春翁懿宗妻蚤寡一子肇基有室而夫遺腹生一孫娶黃氏生一曾孫既而孫及曾孫相繼亡乃



立嗣三寡相守葬四世墳  
俱以節終里人敬而悲之

陳氏

德化黃起初妻年二十而寡天節終身

陳氏

德化連弘籍妻年二十二夫死遺孤一遺腹五月未幾孤子繼亡遺腹生男又殤陳終以立孤存祀

為念堅守二十餘年始得繼嗣宗祧賴以不墜雍正六年旌表祀節孝祠

陳氏

德化連時質妻年二十三夫歿遺二孤當海濱播遷挈二子奔竄艱辛萬狀卒至成立事八旬老翁

奉養無缺卒年六十七雍正六年旌表祀節孝祠

潘氏

德化人陳天柱妻年二十四而寡誓死撫孤時值遷播勵志益堅姑年老終養喪殮俱如禮卒年七

十六雍正七年旌表入節孝祠

以上節孝



易氏

德化張鍾毅妻順治丁亥山賊至氏匿其夫倉中以身當之為賊繫脅與俱去氏始以入室飲食遂

自縊賊去鍾毅竟免於禍

呂氏

名昭容永春人歸化教諭呂兆熊孫女適儒士鄭朝新夫歿呂年二十四遺腹主女不育即欲身殉

姑為立後勸以撫孤乃忍隱至大姑拜奠夫靈畢入戶結縲而絕

周氏

永春儒士張賡卿妻賡卿病篤與周訣曰汝無子誰依善事後人周嗚咽不能語是夜投縲先賡卿

辛年二  
十一

鄭氏

永春高林妻有高程逼姦不從身死康熙五十四年旌表

周氏

永春吳厓妻有周接強污不從憤恨自縊雍正三年旌表祀節孝祠以上貞烈



龍巖州

明

江氏

名真奴龍巖查福隆妻福隆死遺孤二歲因夫舊業製扇為生人諷以改適嚙指出血指扇自誓永

樂間知縣徐拱辰詣廬禮之

連氏

名新玉龍溪張六一妻六一死子方八月家貧姑惡負薪於道日謹事之姑感而慈焉歲大饑姑曰

不能兩存莫圖便否連終無他意年七十五終

陳氏

龍巖翁汝貢妻年二十一貢歿撫遺腹子已生孫又歿復撫孫底於成

葉氏

名妙玉適龍巖楊希白夫死家貧辛勤奉姑非大故不輕至父母家



劉氏

龍巖倪璇妻年二十適璇甫暮璇卒遺腹七月生一男恐艱鞠育壽至八十有七

劉翼姑

龍巖諸主翁朝妻朝卒有娠恟欲從死舅姑勸為存後計未幾生子龍州艱辛貞守以終

黃寬姐

龍巖諸生張鳳翼妻鳳翼疾草黃取銅錢中剖之繫牢於夫之襟自藏其半誓曰此錢終當合

於地下及夫死子又殤舅姑夫弟相繼淪沒如娼亦更適人乃取夫姪字之嘉靖李平為流氓賊所執受及不屈賊義釋之以壽終

張氏

漳平陳如玉妻年二十四夫亡遺腹生女或諷以無嗣張曰予之有無命也吾知不負吾夫而已後

女不育姑又喪焚筑無依志操不改年踰七十終

陳氏

漳平諸生楊格妻年二十五而格故水漿不入口者數日誓以死殉其姑念孫幼無恃多方調護得



不死泣血三年未嘗見齒

蔣二姑

龍巖諸生蔣宇女許字丘鐸逮請期鐸疾革請於父母往視入門與訣慟哭幾絕上堂拜尊嫜

自稱為婦立夫兄  
總子為嗣以壽終

以上節孝

明

王氏

漳平楊端妻嘉靖時饒賊攻劫土樓勢不能支王抱週歲兒投井中其夫急往援之王曰爾男子也

可以求生吾婦人義不可辱有死而已遂絕袂溺死

丘五姑

寧洋吳從學妻年十七于歸再歲從學病革與訣許以死從學既卒五姑出嫁時衣衾盡散所

親曰寡不可飾越二日自縊其殯殮衣衾俱畧自縫就當事勒碑墓次國朝雍正五年祀節孝祠



蔡了姑

龍巖蘇秉文妻年十七夫亡罄鬻服飾為喪具葬畢盥飾更衣托姑於伯氏遂服藥死

魏敏姑

龍巖諸生楊時策妻年二十七夫亡絕粒十八日死

蔡介姑

龍巖王命崎妻夫卒蔡年二十一粒漿不入口九日起拜舅姑再拜於夫之靈遂絕

蘇氏

寧洋學正鄧茂藩妻時草寇亂蘇被執於百級嶺誓不受辱投於萬丈巖下巖半有藤棘絆身得不

死眾皆異之

以上貞烈

### 未經立傳者附後

陳瓊姑

丘鍵妻

廖長姑

丘鑰妻

蘇氏

柯樸軒妻曾孫元伯進士官御史

以

上俱龍巖州人



杜氏

陳輔  
繼室

鄧氏

陳希  
聘妻

鄭氏

諸生陳  
鍾鳳妻

李氏

陳格  
非妻

以上

俱漳平人

羅氏

諸生廖  
志光妻

范氏

孝廉王  
鏡妻

以上俱寧洋縣人

國朝

郭氏

龍巖諸生楊仲文母生仲文彌月而夫  
死年方二十守志課子艱辛四十餘年

吳氏

龍巖楊彩妻年二十而寡孝奉舅  
姑撫遺腹子成立壽逾七十而卒

廖坤姑

龍巖儒士鄭邦錯妻年二十二夫卒  
遺一子二歲勤儉撫孤鄉人稱之

黃氏

龍巖儒士蘇維垣妻年二十四夫亡孀居  
五十九歲雍正三年旌表入節孝祠



楊氏

龍巖儒士廖深妻年十九于歸甫三月而夫死水操自持經四十三載雍正三年旌表入節孝祠

蔡氏

龍巖儒士邱成妻年二十一夫卒矢志七十餘載雍正三年旌表入節孝祠

洪氏

龍巖諸生魏彬妻年二十三夫亡子甫週家貧賃春作苦以養姑姑歿負土成墳撫孤成立壽七十

有三雍正四年旌表入節孝祠

章氏

龍巖諸生吳汝楫妻年二十五守節供甘旨以養翁姑撫遺腹子成立壽八十三卒雍正四年旌

表入節孝祠

魏氏

龍巖諸生邱俊登妻年二十二夫歿堅操自持至八十歲卒雍正四年旌表入節孝祠

湯氏

龍巖諸生詹鵬飛妻年二十一寡事舅姑撫幼子苦節四十七年雍正六年旌表入節孝祠



錄定四庫全書

卷五十九

林氏

龍巖諸生吳升妻年二十二而寡養舅姑撫孤子苦節三十六年雍正七年旌表入節孝祠

蔣氏

龍巖諸生吳玠妻年二十六寡奉姑育子守節三十四年雍正七年旌表入節孝祠

楊氏

漳平陳可雄妻年二十九而寡苦節二十三年雍正八年旌表入節孝祠

張氏

貴州人嫁龍巖謝姓夫死遺二女苦死撫育家無粒食鄉隣歛穀食之二女嫁畢病不服藥遂卒

以上節孝

林二姑

龍巖張萬藻妻年十七廣寇擄至西門外不屈縊死

范氏

寧洋人年二十歸諸生曹元瑜順治戊子寇亂竄營寨破范被執抱子不脫及暮恐賊污之自經死

廖氏

寧洋諸生曹暉妻年十七適暉生子應瑞方在抱而暉歿順治戊子寇亂廖母子被執義不受辱將



兵之氏哭曰曹氏一塊肉亡矣  
因抱瑞頸同受刃遠近哀之

鄧氏

名順漳平人五歲通論語稍長能誦詩每讀王婉容滿江紅詞及文山和句濡睫潸然蓋憐其薄命

也年十九適蔣元和未期而元和死家貧無子父母  
結歸欲嫁之度不能免乃治殮衣服鉛粉死將死乞  
合葬蔣族昇歸與元同窆

陳氏

侯官人適龍巖翁石卿石卿卒氏絕粒旬餘不死痛哭與庶姑訣遂自縊

王氏

名護龍巖人適鄭堅事翁姑以孝稱堅歿王遂自經

游尾姑

龍巖陳斗慶妻年二十夫死姑繼亡有強欲委禽者剪髮以誓不免因自縊死

林氏

龍巖張兆亨妻兆亨病瘋林事之三年無倦色痛劇投井中林從之水淺皆不死隣人拯出之逾月



兆亨卒林哀毀欲絕父令改適曰  
兒不能為夫節婦也葬訖投繯死

盧氏

龍巖人年十七適謝姓夫  
死哀泣三年服闋自縊

謝氏

龍巖人嫁莊姓甫六月而  
夫亡謝送葬觸柩而死

謝氏

龍巖人許配於魏未婚夫死奔喪  
守志立三孤俱不育自縊而亡

張氏

龍巖人幼字黃苑青年十二夫怙恃歸育於夫家  
苑青以岐黃術外遊病歸女年十七矣未成婚也

苑青死女絕食  
數日投繯而死

林氏


龍巖陳元玉妻夫卒  
合殮畢自經從之

劉氏

名閏姑漳平人陳少韓未婚妻少韓卒閏姑聞訃  
欲奔喪父母不可遂絕粒縊死屍歸於陳合葬焉



雍正五年旌  
表入節孝祠  
以上貞烈





福建通志卷五十九